

嘉慶十有九年刊於廣州

馬楚堂詩集

泮水園藏

序

昔顧華玉稱鄭少谷之為詩也古言精思霞暎天表程孟

淵於國於家好遊名宦陟冥搜經時忘返便道武

夷深人九曲絕煙抱病而不廢石倉具勝情關石倉園水

亦清淑實友歡集詩文雅集詩酒讌談之樂其風流旨

趣有足稱者同年友伊君墨卿閩產也其躬際

昌期遇合較二子優矣而其為詩及夫好遊名山具勝情

較二子則無乎不同嘉慶九年自粵罷官來京師出詩草

屬序余無華玉孟陽才安能序吾墨卿詩隄勉卒業大抵

留春草堂詩鈔序

少作多幽潔之篇官西曹多雍容之什居粵多峭厲之詞

溯源於溫柔敦厚託意於忠孝節廉境屢變詩亦屢變而

有不與之俱變者所謂道也少谷抑鬱終其身其門弟子

激傳汝舟頗能傳其詩教石倉安雅尚志晚節不撓著述

甚富藝林寶重之墨卿齒未五十負經濟才詩之美且富

已如此行為

國家倚賴為民人悅服足跡所至必且詠歌豈得以少谷

石倉限君哉又豈得以少谷石倉之詩限君之詩哉今日

一編相對決其所以通諸政事而無負乎經濟之才者固

有在也嘉慶九年十月朔蒙古法式善撰

國朝詩林

卷之六

石倉

初湘受業伊光祿師之門師家嗣墨卿韶齡穎秀時則有張孟詞騰蛟齒稚於墨卿三人者志相得名相齊墨卿居官勵節其守惠州也爲民所愛博羅之亂釀自大吏故被譴出塞萬口號呼卒蒙

文獻固自錄存昭穆世心江文

昭雪守揚州不改其素當惠揚兵災時墨卿札來曰生平刻意學宦今所至如此命也奈何余復之曰易益用凶事言災禍定數恃吉凶同患者匡救彌縫故聖賢者時人之命所謂莫益或益也然墨卿終傷心引咎作詩告哀今集中言愁最工嘉慶丁卯遂哀壬寅已來諸體詩題曰留春草堂詩集命余序之人志事無成輒著書垂文采自見如

留春草堂詩鈔

序

二

孟詞與余乃其人也墨卿屢典大郡吏民同聲中間玉磨逾瑩雖不文已傳也顧詩集出論者比之鄉先正鄭善夫謝在杭惟余行年六十塊然冷署嘗以文集請序桐城汪稼門師師云清夫所欲托以傳者始此吾烏知此之果可託哉悲夫悲夫然孟詞嘗撰山海精良書未成遽死將死倩人鈔其稿如笱束亦冀後之或傳然其書旣未成墨卿惟刻其制藝及詩制藝文體固自難存卽詩抑少耳或專之文而不必傳或不專而文又傳以此歎墨卿才福而光祿師之兢兢保艾以世政事文學者可想見焉師者賜研齋詩集久爲海內宗仰墨卿又繼之唐書藝文傳載李

適父子予知他日史當然耳故今序墨卿詩集旣歎逝者
尤自慙也嘉慶十二年春三月同里吳賢湘撰

留春草堂詩鈔序

題辭

南城會燠賓谷

先生畱春花滿關春畱先生不出山世間何處無景物未
若草堂春意閒人不畱春春亦闌眾芳容易彫春顏似聞
昔時歌舞地幾日便已蕪榛菅先生草堂三四間一木一
石常盤桓前年到惠州惠人遮道仍亟還去年到揚州揚
人攀轅未許攀昨來舟過十八灘有詩持與曾生看篙師
辛苦何時歇三歎先生警我頑頃出示灘行絕句云用盡
篙師辛苦力始知竹外草

仁和魏成憲春松

畱春草堂詩鈔

題辭

衍波箋子香姜瓦弱冠才名噪日下蒼生憂樂察眉事誰
識冀黃本終賈結言千里慰遠別投我一編拚羣雅捶琴
擊鉢往時句少作汰餘存亦寡揚州六一惠州坡秋菊寒
泉薦芳笋封狐伏莽筆先籌肅鴈劬原淚如瀉篇篇盡是
春陵行猗玕子後繼聲者使節曾浮湘水權故園近結香
山社本之忠孝近文章能以性靈付陶冶由來餘事作詩
人字括三蒼奏九夏期君出山雲四垂老我種樹書長把
且同洗眼對西湖不覺低頭操東野

留春草堂詩鈔目錄

卷一

古今體詩四十一首

卷二

古今體詩一百四十七首

卷三

古今體詩八十一首

卷四

古今體詩九十九首

卷五

留春草堂詩鈔目錄

古今體詩一百二十四首

卷六

古今體詩一百八十七首

卷七

古今體詩五十二首



留春草堂詩鈔卷一

寧化 伊秉綬 組似

玉虛洞

乾隆壬寅歲
館歸化縣作

神禹鑿山陵，劊斲矜懷。枝自是五丁，開闕中廣所庇。一線
關，湏洞百丈裂，厚地偶從物外來。窺此壺中祕，溜雨滴石
罅。山澤乃通氣，厓隙一半懸。萬鈞將顛墜，欲進心躊躇。入
坎寧可試，前驅列炬導。錯愕驟驚異，或如巨甍圈。或如赤
象鼻，或如鱗，或如鯢，額或如鴻，軀或平如龜，覆或怪如鬣。噬
桓桓立將帥，絜絜陳叅貳。大於垂天雲，小如委盤鼓。鑑澤
若漆，髹溫潤若粉膩，得非玉女窺，毋乃神仙睡。蛇行傍泉
留春草堂詩鈔卷一

州記

小學篇贈黃小松

易

周官教國子，漢法試學僮。古者六書屬小學，今人爛此誇
宏通。祖龍圖籍收六國，出令火急追翔風。下邳再變上蔡
法，漸以約易離其宗。陳書北闕有馬授，問奇西蜀惟揚雄。
汝南祭酒生苦晚，探蹟索隱憂心忡。網羅凡將並倉頡，博
訪賈氏還郵鵬。釐爲五百四十部，九千餘字開洪濛。畢載
天地及神鬼，山川草木兼魚蟲。弼成往聖示來喆，與禹治

水同膚功魏晉以來尙文藻斯道捐棄如秋蓬陽水崛起
大歷載獨窺絕學羣發蒙平生宗許復叛許二徐繼作偏
師攻其間穿鑿亦不免欲求疵類紛氈氈 國朝碩彥多

請說王錢惠戴

王西莊光祿述菴侍郎兩先生錢辛楣少詹鳳之州判惠定宇徵七戴東原庶常

朱君先生盧先生

抱經江叔濤布衣

後來稱秀更超拔黃郎江夏應

無雙從一及亥究終始偏旁部次詳增重徧搜金石辨奇
古茲謂識字生無窮篋中多蓄古器物彙纂官印炎劉銅
出其緒餘試雕刻文何顧鄭難爲工春風楊柳長安陌五
陵意氣歌相逢論文角藝一樽酒那惜街鼓鳴萋萋岐陽
檄碣至今在詰朝從子觀 辟雍

留春草堂詩鈔

卷一

二

陪朱竹君先生

筠飲環溪別墅

木蘭高館搖叢竹張燈夜就水聲宿聞道誅茅宋玉居歌
衫舞扇層層綠買石晴移白嶽雲開軒曉占藍田春松筠
忍閉王給事風雨欲過何將軍年年香埃飄紫陌不知誰
主復誰客且醉山翁倒接離狂來笑問并州兒

濟寧紀遊留別楊文柱

鍾鼈

息羈古任城言尋唐賢迹謫仙逝千年高閣尙百尺汶泗
流湯湯鳧繹峙奕奕初日照南池恍見騎鯨客少陵遺像
存憔悴見憂國遐想二公靈俯仰情不隔揚子宏漢京曳
展觀石刻突兀炫古光矗立學舍側輪囷埋厥跌洞達穿

其額東碑忠惠父魯峻博且碩北海相景君逸名頌勞績
於西表固榮面牆委門闕緬維洪鄱陽隸續補隸釋距今
幾百載其字愈剝蝕周鼓夙摹白嵩闕疇置驛有事先沛
林將希杏壇役是時秋正清寥天淨如拭襟袖晚涼生階
除露華滴夜飲羅長筵燭龍照翁艸我家釣龍臺烟霞本
成癖坵堞走風塵能著幾兩屐快哉金石交天涯面重覲
明發登川途逝將判南北浮雲盡日馳江水不可極旣醉
復高歌一引三大白

空江

一葉破寒綠空江澹若無占星農事晚照水道心孤歷亂
留春草堂詩鈔卷一

三

飛鷗鷺因依響裊蒲鐘聲定何處塵土夢全蘇

布被同吳清夫

賢湘

張孟詞

騰蛟

賦

布被能昭質隨予歲月深關河千里夢風雨對床心掩淚
添新絮蒙頭憶舊吟依然配長枕支漏夜沉沉

七月望日玉虛山館晨起作

元默攝提格七月忽已半炎飈頃刻收商氣應時換昨夜
更蕭條孤燈耿書案蒼蒼高桐枝北風折脩幹瀟瀟秋霖
霑浩浩春潮灌蜻蛚不敢吟鼯鼯潛奔竄我時縮重衾眼
底懸鄉閉晨集同門友一一如星散登高望邱隴邱隴杳
河漢穫稻安先靈罽毼寒烟爨奈何萬里旋未得躬薦盥

含悽對僮僕枯坐發長嘆

追輓連氏姊一首

生年未三十而疊觀憂危乙夜返京邸喪我大母慈去冬
省阿母踉蹌叩柴扉阿母不能言淚下如綆縻須臾女甥
至三尺披齊衰見舅翻自喜問娘已不知小妹學姊妝彷彿
歸寧時嗟余寡兄弟一體從此虧憶昔傍親舍含飴分
蹲鴟三春桃李開騎竹踏臙脂姊嗔正色叱余涕還攜持
華髮與朱顏都作朝露晞古稀洵難得先祖母歿年六十九短折摧
肝脾老父函半損萬里告靈帷哭爾如女孥嫁爾非義之
貧賤殊自適柔嘉空爾爲豈不懷達觀痛爾獨無兒鬼神
留春草堂詩鈔卷一 四

重血食爾魂竟何依鄰里同慄悽非獨骨以悲

酬林樾亭孝廉

喬蔭

別緒恍昨日勞心常切切緊誰照情素之子使我勞皎月
懸廣除迴風薄森條永念揮手路離離田中苗良苗旣已
藏戎菽亦已黃小人盡地力君子愛景光景光秋正高叢
桂巖香飄飛鴻一水暮緬想神理超匪曰酬嘉藻惟以論
久要久要在不忘逝登君子堂如彼邾莒國執玉朝大邦
白露濡塗塗山泉流淙淙孤館耿不寐支漏挑寒釭

附原作

炎飈扇征塵溽暑誰與浣曉經珩溪湄選勝詣山館之

子夙寤思旣覯遂申歎才同賈傅少跡豈阮公誕平生
金石交屈指各星散同心憎路歧良覲恨日短卽次論
久要徘徊念鮑管

少日耽詞章黃金擲虛牝邇來抱遺經脩路改前軫三
禮姬孔留曩訓多未允陳數求其義剖析忘愚蠢成書

姑有待屬草如束筭近著三禮陳數求義一書夫君抱通才時輩遜

精敏願言崇樸學聖醜味無盡白頭許叔重後進足標

準許廣文爭奇著周易各象晨夕倘過從勝境當日引

黃生我良執黃孝廉世發早獲偕君遊譽君美無度茲信言

非浮君家山水縣髦俊多好脩近聞吳與張吳孝廉賢湘張秀才

留春草堂詩鈔

卷一

五

騰蛟磊落非俗儔閉門陰處士理窟猶冥搜陰明經靜夫先生遺

榮忽已老蒼書誰見求孤館耿不寐月落山悠悠因君
爲問訊把臂知何由

鄒縣謁孟子祠

正氣承洙泗浩然天地間孤城滿秋色周道峙賢關功不
下神禹象真同泰山七篇言孔氏那許况雄攀

高唐州

季重心情雅好歌驂停齊右漫婆娑兒童未解繇駒曲父
老能言鳴犢河城郭南來堪畫少風烟東道覺秋多商聲
激越來林表草草津亭晚奈何

寄韓桂舫比部對二首

幕府秋清怨井梧銀河分袂總模糊長空鴈影點星亂永
夜角聲吹月孤徑欲獨登泰山頂幾時飛集鳳城隅朝朝
封事聽金鑰爲訊興居好在無

輓轆車同君弟兄

比部兄聽秋孝廉崧

落花時節舊心情宛邱園內

叢芳記彌勒龕中夜雨聲人事茫茫催歲改西風獵獵喚
愁生亦知遠道思無益其奈空齋木葉驚

趙北口

碧水紅闌豁倦眸直驅羸馬上滄洲浮空靄靄雲霞曙歷
岸蒼蒼蘆荻秋地自燕南開廣甸天從趙北浸寒流幾家
留春草堂詩鈔卷一 六
烟火漁莊外香稻年年足晚收

同年陳梅垞

萬全

周蓮塘

兆基

兩編修李鳧塘中允

驥元 招遊遺光寺次韻

半灣流水起棲鴉鴈齒鱗鱗映淺沙秋浦漁閒紅葉艇晚
山僧指白雲家驂停初地塵新浣磬落中天月正華誰信
蓬壺仙島客共趺禪榻對黃花

雪夜曾賓谷農部招同曹儷笙

振鏞

盧南石

蔭溥

編修劉澄齋檢討

錫五

集紫藤吟榭

荒齋三見臘前雪求友今朝稱素交酒醅寒梅初出窖人
如凍雀競歸巢茶聲細細團水沸竹韻玲瓏綴玉指却憶

披裘十年事釣舟深夜繫江郊

夜坐寄張孟詞解元灤陽

驅暑坐暝色竹露垂空明星隨河漢轉月傍關山行踟躕
臨夏半忽已秋風生悽悽弦管心惻惻團扇情關門萬條
柳踈影從此成

夜涼不成雨明月出深碧瑤牕梧竹聲綺帳芙蓉色一葉
飄前除誰云無物役旣嗟道路長又感時節易情知愁傷
人就枕惟所適眼底榆塞懸寒蟲號永夕

種竹了喜雨

秋竹肩雲至秋窓帶雨聽一竿橫半榻幾個上空冥伴菊
留春草堂詩鈔卷一

七

隨鴻羽依桐引鳳翎暗鋪金瑣碎細作玉瓏玲團綠迷茶
臼篩陰到畫屏靜聞琴筑換涼訝雪霜經垂溜懸梢白孤
燈照夜青感時過夏假側耳數冬丁委珮和殘漏由梧憶
遠汀卷簾棋乍散欹枕酒初醒北海交文舉遼東識管寧
恭承君子意高節總亭亭

讀史六首

蕭何入咸陽但聞收版圖豈知博士官六籍宮中儲祖龍
挾書律第焚民間書棄之遺重瞳一炬三代徂秦火斷由
蘗楚火連根株惜哉刀筆吏致治徒區區

叔孫通制禮多襲秦法遺去古惜未遠所得皆糠粃當時

魯兩生壯志寧詭隨死者猶未葬傷者猶未夷仁義行而效謂需百年期不謁隆準公乃遭曲學嗤陸生唱高言賈生已後時仁主憚改制誤於絲叢儀

劉項定於一魯守彈丸城偏師指城下猶聞絃誦聲嘉節葬重瞳率初仍魯名翹翹東海節絕島徵田橫詰朝見天子一劍明平生左右晨拜官夕殉同一塋更聞五百士死與泰山爭

姚賈四國使衣輕而乘肥功成讒謗興猶能殺韓非陸賈使南越謙樂名亦隨五溪苦淫潦馬革誰裹尸如何蕙改裝乃得明珠疑

留春草堂詩鈔

卷一

八

萋宏射狸首文成食馬肝求仙黃帝慕遵海祖龍觀卒之瓠子歌輪臺詔頻煩所以平準書遂次封禪篇多欲誰敢諫獨有長孺言

簡子誤認禮僖子不識儀漢初高堂生五傳得經師瑕邱容爲官曲臺議紛披周禮最晚出實爲太平基燃藜校未畢歆竄希逢時逢時已違父應讖將何爲徒令治術誤殃禍蒼生罹

所思

芳草一千里瓊樓十二層所思獨不見寒雨照孤燈燕睇愁無那夔憐病未能如何雙鳳子竹外影凌兢

湘江曲和韓桂船

楚天風露高洞庭木葉下日暮遊子心歸帆疾於馬歸帆
洵有情秋水極天平相思無終極絲絲春草生春草復秋
草人向紅塵老明月照玉顏投簪苦不早送君洞庭水思
君洞庭山七十二峯青白雲時往還

陶然亭晚望同鮑雅堂宗人丈

之鍾

鴈排秋影沒遙天各抱鄉心望渺然半格籐猶能欸月數
行柳已不勝烟歌殘白苧人難醉採到黃花蝶亦仙莫怪
寒潭浸山骨蕭蕭蘆荻也華顛

懷古四首

留春草堂詩鈔

卷一

九

洛陽有年少宣室固曾知傳與楚臣合才真天下奇飄零
投賦日痛哭上書時政體誰能達應爲絳灌疑

賈長沙

武皇初策士董子褒然尊竟委諸侯相能爲六藝言學醇
過賈傅宦巧遜公孫病免膠西薦徒開東閣門

董江都

臥治股肱郡條然感積薪遇災因矯詔多愆歎施仁揖作
將軍客嚴爲社稷臣帝心方侈大憝直更何人

汲長孺

政漸由王氏傷心國祚移朱虛侯已往洪範論同危抗疏
匡衡詭燃藜太乙窺傳家中壘學新室歎爲師

劉子政

元宵

元宵不禁執金吾火樹香車溢九衢戲盡魚龍雜報曙月

如積水馬如鳧

對酒行懷故學士竹君先生

長空歲星復大厦環材失北邙
醉詎知西州獨銜恤椒花
吟舫花欲開一日或過三四回
一飲能傾三百杯人麀人
鳳詩爲藪明月金尊此間有
迴車不揖衛將軍執簡惟箋
許祭酒及門山谷一詩孫
謂武進黃仲則清才八斗長年貧話來
殘月如新月坐看今人成古人
賤子當時尙年少漫許鴛
駘能遠到豈期十載長安城
路旁騏驥鹽車情有時買醉
春風陌天橋東邊樓百尺百尺
高樓柳乍黃濃雲醞雨花
西牆武夷仙人渺何處
先生自謂死當爲武夷君笛聲入破長歌狂市
留春草堂詩鈔卷一

十

人來看狂生醉那知獨立蒼蒞意
天上琅函玉檢泥腰間
寶劍春坊字嗚呼生不成名知己
死腸斷朱門雙燕子

題謝浣雲尊畫

松頂樓牕縹緲開浮嵐都共水
滌洞知他筆快如風雨幾
許沉吟作勢來

上宗伯師紀先生

虎坊橋北龍門高秋霏月霽明
松梢斜街學士已黃土

謂竹

君朱好士公卿誰復古河間宗伯
今扶風劉畧班秬填胸

中北極宏文開四庫西清巨手
邀

天顧大典觀成

昭代編高名將與天漢懸詩篇流播繡蠻叢扶餘 貢使
覘儀狀唾生珠玉典風騷履聽星辰踐斗杓織錦千花同
燦爛翔鸞百鳥爭啁嘲公之門牆盡桃李却賞枯桐到焦
尾六書夙嗜微舊聞爲言大戴清無倫每稱東原許氏原
戴氏遺書
承賈逵學歐九要與劉攽羣閱微草堂一尊酒子雲不礙
懸河口生來隻手刃摩天幾輩十年文覆瓿公才自是應
時興扶輿積秀瀛莫精都俞從古兼吁咈願獻昌言佐
太平

白茶花二首

清極本無色移根茗鬪初芳情粉署外禪味趙州餘叔寶
留春草堂詩鈔卷一

十一

譽何愧相如病未除瑩然對良夜寒露半牕虛

澹泊竹爐興鄰梅氣轉芬一花開雪後孤月照宵分歲晏
玉人至花從
粵來天高白鴈聞幽芳勵清節知貢武夷君

題羅兩峯 聘 鬼趣圖二首

慧劍銛時善眼開女青初不說輪迴如何畫鬼成滋味似
向壺中騎竹來

過眼雲烟事總非問誰弱喪竟忘歸祇今卷裏題詩客半
化城頭了令威

留春草堂詩鈔卷二

寧化 伊秉綬 組似

夜雨宿西省

畫省青綾擁宿醒
感人節物不勝情
春榆鑽火逢寒食
暮雨如絲闔禁城
幾處樓臺迷遠夢
誰家簫管咽新聲
年來最有田園興
三寸泥應叱犢耕

同馬秋葯

履泰

孫淵如

星衍

兩曹長過高粱橋

晴挈青絲出郭遊
吏情終是戀滄洲
高花臨水如含笑
細管當樓未解愁
巖翠都從杯底落
湖雲只似鏡中流
班騅不肯忙歸去
喚老東風是粟留

留春草堂詩鈔

卷二

一

同年讌集庶常館見招以直宿省中未得往賦謝

彌勒都來共一龕
寒梅出窖麴盈甌
玉堂春酒傳天上
頁夜名香熟海南
故業班書兼鄭注
新詞陳七與秦三
應憐手板雲司暮
刺促勞於作繭蠶

書齋四詠同孟詞賦

端硯

一片雲根水氣侵
昆刀切玉想千尋
磨人自是同磨墨
正筆應知在正心
華省玉繩搜句迴
秋堂銀燭卷幃深
朝朝手板聽霜鼓
難得芸牕徑寸陰

燈隱

剪圓紙揭之以蔽明謂之燈隱

用晦心情掩更熒半遮蘭焰恍雲屏伴幃最近江都席如
月常從太乙星人醉春醪書共綠案排冬史眼同青觀來
卓犖仍無障暫撤頻挑驟雨聽

印章

小印鈴當息管城重看書就更吟成休疑子墨無徵信也
借將軍記姓名藏到炎劉銅已少摹來繆篆筆逾精何須
雕飾誇良玉文石離離最有情

界尺

寸木堅貞棐几陳型能填物靜宜人臣謨畫一蕭何重士
品端方石介倫直道如弦消反側細闌摹繭轉停勻若教
留春草堂詩鈔卷二
削玉同圭鎮寶氣眞看席上珍

時帆學士

法式善

招己亥同年讌集陶然亭二首

年光如水判流東萃鹿聞歌似夢中四海人來聯舊譜一
亭山好坐西風蘆花傍渚搖空碧楓葉穿雲露晚紅共是
五更聽鼓客蕭齋難得一樽同

山似秋雲抱郭飛煙鳧漠漠赴柴扉看花最憶元都觀走
馬猶疑慘綠衣我輩酒懷殊卓犖雨餘天氣漸霏微若尋
簪帽當年桂聞道蒼蒼已十圍

庚戌元日

賜宴 保和殿隨侍家人趨赴恭紀

聖主元正

錫福時老臣叨宴小臣隨醜酬

舜酒榮三酌莫焚

堯階燦一枝班合東西瞻樂舞拜分前後肅 朝儀嵩呼

共祝

無量壽飽煦春陽下玉墀

送高麗朴檢書

齊家 歸國

扶桑東海水楊柳春風城上國花開讌遙天月伴行文能
通釋語詩解繼吾聲欲訪遺書在悠悠箕子情

寄同年楊荔裳舍人

撰

留春草堂詩鈔

卷二

三

微省雲司並作郎風流誰似下洞楊聽鶯直向棲鸞地走
馬歸從解玉坊絳雪經秋顏自好紫蘭邀月話方長如何
絕塞籌神筆磨盾書懸鴈背霜

答賓谷問病

掃除方丈室不奈病維摩細雨密如此雜花開更多鼠肝
從物化駒影閱春過尺素同芳訊衝風到薜蘿

病起

病聞桃李滿園開病起憑闌祇綠苔春事爭如流水去芳
情真作散花回驪歌未足供陶寫藥餌還須費剪裁比似
城西張十一霜縑九味愧無才

喜孟詞自皖城至都

細雨江城望若何程隨歸鴈未蹉跎三年綠鬢看非昔一
晤青衫淚轉多花底聯吟先貰酒月中密坐又聞歌不妨
重作東華夢解挽醜醜灌頂河

送同年梅岑檢討

達林

奉使西域二首

涼州西去萬重山鴻鵠高飛雉子斑珥筆詞臣秋出塞橐
弓都護夜臨關風吹白草霜千里天接黃沙月一彎羌管
未妨聽野戍班生三十好容顏

軍門初日照牙旗綠酒紅燈又一時萬里功名覘燕領三
霄侍從本蛾眉秋風牧馬過宛迹春雨屯田試趙菑倘振
留春草堂詩鈔卷二

四

軍威勤遠畧裴岑先勒紀功碑

爲魏春松曹長

成憲

題溪山二隱圖三首

銀漢耿遙夜白露紛前庭萬籟一以寂寥寥孤鴻征短檠
伴竹素見此二隱情借問二隱誰令弟同哲兄對床戀風
雨執簡懷鶴鴒本期黃髮俱疇知中道更越溪盡日流秦
亭終古青草堂故無恙移至慚山靈

倦鳥知惜翰逸駟難絕朝晦迹金馬門其名曰通隱休沐

閉盆廬

齋

研田日勤墾寸心泊無營千載乃獨閔抗志青

雲端齊物忘遠近葭蒼倘招子毋庸改前軫

故園讀書處亦在山水間彫胡實可炊桂樹馨可攀出山

匪云久十見叢菊殘竹林吾最少邇來鬢已班團團秋月
明曾照河干檀至今夢中游流水迷灣環感君友于情徒
倚空長嘆

題同年程任齋卓樛明府秋燈課子圖

啼烏啞啞枝上啼霜高月落秋堂低素帷頻動風慘悽一
雛牀東一雛西孤燈分授禮與詩瓶瓶顧影頷且顰當窓
軋軋理杼機機聲書聲驚鄰鷄鄰鷄喔喔年復月韋編雖
絕字不滅謂是先人手澤存况有慈親眼中血一雛須臾
化鳳凰其儀五色鳴朝陽作圖猶寫秋夜長吁嗟乎仁人
之粟親可嘗孤燈之苦心難忘不見莎庭判訟秋漏永蟲
留春草堂詩鈔卷二 五

聲切切移近床

時帆學士招同汪劍潭助教端光何蘭士水部道生

羅兩峯山人小集詩龕兩峯作圖

駿馬儕曙鴉飛上淨業湖湖邊積冰雪幽人此結廬朔風
日以嚴秋林日以踈古人既長衽今歲行將徂而我復不
飲來者安知予南榮曝背暖西山聳骨癭嘉會惜斜陽臨
去還踟躕作圖示後人千載同須臾

人日讌集次梁九山編修上國韻

九門鶯語送芳風靈瑣韶光麗碧空尊酒論文東觀共新
詩求友蜀州同鏡中鬚鬢看長綠燈裏魚龍試舊紅更向

曲江拚一醉春流活活泛鳧翁

為龔海峯明府景瀚題載書圖二首

卒業猶思寫禮堂春風冉冉惜流光閉門孫敬勤兼癖入市王充喜欲狂繡悅幾會能補袞汗牛誰復歎亡羊盧溝橋畔驅車過早有靈威護道旁

集賢院與太清樓宋本攜將作遠遊萬里川原多考志三年粟馬已成謳歸田預擬曹倉貯涉渭還同米舫浮只恐購來餘祿少賣舡倒篋未能酬

哭孟詞二首

人負鳳磨望時當桃李春更誰於我厚偏喪所交親狼籍留春草堂詩鈔卷二
書堆案湧沱淚漬茵凌晨理青鬢應見二毛新

執手彌留際心宣更目成亮為雛鳳計竟失老蛟精孟詞家近蛟湖大興朱師戲呼為老蛟精自古妨才命來生訂弟兄英靈如不散肯

示雨風檠

題張水屋刺史道源畫冊送高麗金履度歸國

吳中山水天下無十年不見心縈紆繫誰導我江干路眼前漠漠飛烟鳧推篷曾看山數尺怪底羣峯羅一册絕頂纔鋪莎薦青半天却挂泉紳碧前山雄峙偉丈夫後山窈窕如吳妹精靈彷彿照江水筆墨化作雲模糊誰能寫此石谷子百餘年來張刺史倪迂范緩元章顛由來絕藝非

偶然春風詆蕩天門關句驪 貢使來重譯偶因邂逅聚
浮漚折角巾烏練裙白送憐晁監太匆匆贈惜張顛點筆
工不信醫巫閭下過臥遊還看吳江楓青陰逸韻留茶屋
朱蒙風景畫不足桃花箕子墓前紅芳草檀君祠下綠君
歸勝日集詞人貞蕤居士知情親補齊家
檢書言瞻刺史不可
見披圖題遍江南春

總裁鐵冶亭先生招同同年胡脩撰長齡張編脩錦

芳李編脩鈞簡王吏部寧焯錢戶部楷極樂寺訪桂

次韻

南宮富休暇車騎此暫淹佛閣倚晴空山色青入簾坐覺

留春草堂詩鈔

卷二

七

雙眼豁如試金鑿銛遙望孤雲飛縹緲千峯尖意愜神俱
徃境靜心亦恬愛此塵外景清籟猶江南不緣限城闕徑
待觀銀蟾北地少巖桂艱致如鰈鷓誰知郭橐菟迺屬儼
道潛遂令微妙音香界宣華嚴吾師示新句當仁戒毋謙
諸生誰昌黎不對宣公慙且喜誦萬徧食蜜中邊甜或證
聲聞果智慧從茲添

俞貞女詩

貞女姓俞氏無錫人孝廉坊之妹能詩善畫許字
高郵明經金蘭歸有日矣夫暴病卒貞女殉之遂

合葬焉

春秋特褒宋伯姬大書納幣公孫來諱諱出出災老嫠書
卒書葬其義垂奈何左氏謬是非昔劉原父曾致譏女而
不婦猶然疑婦而不女能無咄問名已往身屬誰許人以
身死背馳禮雖從父心則違恒其德貞女伯夷梁溪惠山
清且奇七十二泉明秋漪篤生貞女年及笄良人教習鏤
藍旗占歸妹吉乃死期手寫女貞木一枝丙舍連理冬不
萎吾聞王化始深閨宜付史館揚芳蕤金俞二姓寧得私
又聞臣道同乎妻凡百君子敬聽之

歲暮次王鐵夫孝廉

芭孫

韻二首

好是金剛不壞身高堂寒盡又逢春諸曹封印閒彌月鄰
留春草堂詩鈔卷二 八

寺聞鐘省向晨夢到烟霞原有癖用饒文史未全貧屠蘇
餞臘煤燒炕恰對寒梅一朶新

門外常停長者車坡爭上下付軒渠喜因介壽春爲酒偶
學齋心夜廢書

內帑頒金殘歲度

有各借俸半年

中庭積

雪小山如明年觴詠從頭數肯使花朝月夕虛

夜半

夜半明月斜粉牆畫松竹酒病上樓蘇鐘聲滿江綠

雜題法帖和王鐵夫十六首

剪桐並建思周室舉電長驅頌晉祠真氣千秋誰得似欲

摹曹喜大風碑

晉祠記

九宮皆到古會無視晉風流格畧殊奇絕鴻文兼妙翰魏

公斌媚率更癯

醜泉銘

鳳塔東西石對龕最先奉詔褚河南一從集腋成裘後誰

識抽絲獨繭蠶

聖教序

斷闕會聞天順初山陰嫡嗣想真如收藏不解孫承澤拾

唾猶譏院體書

集王聖教

褚虞蘊藉足風姿歐柳開張骨相奇本是一原分兩派伯

施親見永禪師

夫子廟堂碑

歐虞褚繼定非凡各有名書巨石劉少保遺蹤真僅見昇

仙碑後半題銜

昇仙碑 薛書除此碑 題銜數行他無碑版

留春草堂詩鈔

卷二

九

雲麾神道極哀榮典禮良弓概一生諱藝豈惟閣立本將

軍亦隱畫師名

雲麾碑

牘尾脩書氣激昂居然龍虎欲騰驤郭公未攷名英又幾

使汾陽襲定襄

爭座帖

僧院看花待月明錄茶譜荔亦多情洛陽橋在雲霞裡別

有豐碑歷蔡京

古香齋帖

元祐孤忠寒食詩臨書常感禁書時何須肥瘦論工拙公

是天人不受羈

東坡帖

一讀摩崖泛畫舫擘窠字繼魯公傳蕭蕭清比霜天竹猶

道稱尊無佛前

山谷中興碑跋

詣極無如顏魯公無邊法力米南宮丹砂變粟真游戲枉
逐刀圭失正宗

元章帖

定州得石揚州失蟹爪沉淪六百年金井虹光傳頽上猶
能夜夜氣冲天

頽上蘭亭

琢成鴻寶夢猶甘望古應無誓墓慙可奈相公眞賞鑒半

閒沉醉髮毵毵

玉枕蘭亭

松雪書原宗北海漁洋詩亦祖滄溟卽看射虎騎鯨客化

作驚鴻洛水靈

松雪帖

入山陰室董華亭追配吳興尙典型晚歲一篇成道記夕

陽芳草墨花零

香光帖

留春草堂詩鈔

卷二

十

微雨郊行和陶鳧鄉秀才探二首

涓涓新綠散汀烟又釀輕寒細雨天送客情如酩酊後惱
人春似綺羅年粉垣慵珥花間筆烏帽頻揮柳外鞭獨有

維摩方丈室爐香枕茗伴孤眠

時桂舫臥病

城南杜曲馬透遲顧客墻頭杏一枝上已鶯花愁月隱中
年絲竹恐人知居鄰畢卓宜開甕情呢陶潛喜和詩依舊
萋萋芳草路短長亭子夢歸時

題子陵垂釣圖

廿八雲臺將誰從畫裏看荒臺終古在五月一裘寒山鳥
聲如筑江花日以蘭舟行清絕處我欲老漁竿

題洪稚存編脩亮吉寒檠永慕圖

君不見雲溪老漁愁起遲中宵恒與書聲期書聲隱隱出
何處一燈如豆隔江霧其中軋軋機杼聲秋堂風露慈母
情長者機絲短者檠孤兒獨學何時成太乙吹藜窺著作
卷施閣移天祿閣丹鳳城頭烏夜啼夢迴返哺情如昨昔
也檠短今檠長一圖再圖安可忘知君持節黔江上曉聽
漁歌猶斷腸

同桂未谷進士韻張舩山檢討問陶夜訪陳笠帆曹

長預小酌

晚涼同盼雨踈磬落生烟忽報月初上因知人未眠燈光
留春草堂詩鈔卷二

深竹裏夜氣小山前洗盞留斟酌閒論種樹篇

鐵夫藏劉石菴相國自書詩一卷

麝煤塵尾伴年年展卷名香一瓣傳勁節因裁爭座帖古
風兼愛陝郊篇西清筆潤三霄露左海峯開五朶蓮我亦
藏公詩句在亟須勤爲後人編

七夕雨中同洪稚存編脩趙味辛舍人懷玉張舩山

檢討宿吳穀人侍讀錫麒澄懷園直廬三首

五人七夕澄懷宿別緒秋心落水雲薄醉未成慵就枕亂
蟬聲襍雨聲聞

蔚藍天映濯龍低霽入黃昏晚晚迷未必魚知莊叟樂攀

荷爭戲葉東西

稚存船山醉後失足落池

萬荷花氣透牕紗臥看銀河一道斜雨歇蟲聲鳴到曉地

鄰

禁籞夢山家

黃昏

轍向黃昏息勞薪暫得安劇憐三徑小頗覺一身寬暮色
靡蕪碧秋聲蟋蟀寒殘書堆案久聊爾點燈看

查小山郎中

有所招同張亥白孝廉

問安

船山檢討

兄弟遊金氏廢園四首

羸驂不識翹材館尺五荒園屢往還猶記鶯花迷杜曲依
留春草堂詩鈔

卷二

三

然水竹似江關鷗飛白點橫塘外蟬噪涼生暮靄間迴首
右安門入畫女牆低處一痕山

池臺休問故尙書不見門填七寶車畫本倪家最蕭瑟吏
情嵇氏也僮疏粉垣繡錯滋苔古紅檻欹斜漾水虛鐘漏
欲殘歌舞散泥人風月尙徐徐

秋筠戛玉幾聲寒移榻當軒鎮日看賴有故人來醉客那
堪走馬去應官眠溪老樹枝猶健聽雨枯荷葉未殘白鷺
似知睎客意相隨閒立釣漁灘

曩遊如夢午陰晴留得西風萬木生竹葉乍濃人酩酊蘆
花初白月空明每當塞北盤鷹候輒動淮南訪桂情堪笑

年年叨廩祿買山賒望幾時成

家大人蒙

恩與千叟宴扶掖趨 朝恭紀一首

三十藩國三萬里來朝

九旬聖天子

天子兼文武聖神自日之出如天仁四庫全書 七閣陳

五代同堂

五福臻石經石鼓垂貞珉

武功十全圖功臣熙熙皞皞樂哉民六十一年歲丙辰元

正

留春草堂詩鈔

卷二

十三

勲

華授受親以

聖繼

聖前無倫卿雲復旦

皇極殿皤皤千叟重開宴臣父謝病居京縣卿班暮齒猶

叨

眷許聽 仙樂嘗 御膳載蒙

錫子蕃難算就中尤寶 上方硯手持靈壽身已健追隨

王洪葛籛羨辭朝一步一瞻戀於維

太上恩高厚

皇帝大孝作

元后五蠲正供福九有百歲建坊爵黃耆力田孝弟勞牛

酒開科登俊頌薪樵千官嵩呼九叩首臣朝棟率臣秉綬

臣聞至誠能悠久合千叟壽爲

聖壽

奉送侍郎王述菴先生相赴千叟宴歸二首

海內論耆舊思公江水長重來文潞國又見魯靈光

錫宴春生杖談經月引觴悠悠三泖路歸夢落漁莊

白髮短檠伴因知風雨勤九書宗鄭學六體辨甄文裙屐

瞻前輩關山話舊聞乞言能幾許晚晚惜斜曛

留春草堂詩鈔

卷二

十四

柳

一夜東君染乍齊舞風無力苑牆西憶過寒食橫塘路樓

外微黃送馬蹄

雨牕曹長阿林保招同吳穀人侍讀石琢堂脩撰韞

玉小集適園

我是高陽舊酒徒醉來步履倩人扶綺疏似坐烟波舫佳

士同披主客圖四面芸香推武庫一春花事到文無朝回

過此休嫌數陶寫方須絲竹娛

送桂未谷之官滇南

拋却氍毹綰綬黃別君那惜醉千場也知判牘心如水其

奈譚經鬢有霜極北星文占鳥道博南山勢界蠻荒部民
自古傳忠義草檄功曹最擅長

爲桂未谷題戴花騎象圖

猩猩啼雨瀾滄暮夕陽明滅花深處金鉦雙導宰官來嗟
峨騎出千人哈昔聞馴雉今馴象行春顧盼南蠻長夙學
三倉爾正書據鞍拍手吟呀唔獠童吹笙歌且舞宰官亦
解爲蠻語飄蕭短髮還簪花蠻花無名壓鬢斜

題金手山秀才學蓮畫蘭竹

介言石幽言蘭此君獨上青雲端芳馨滿抱金手山贈人
一枝青琅玕植節胸中富千畝工騷筆底畹滋九日暮瀟

留春草堂詩鈔卷二 五

湘烟雨愁紛紛吹落手山手百年茲事誰最工板橋道人

籀石翁昔人已往空遺墨季子今猶遠京國吳白庵嘗爲子寫竹不

見荒齋夏日寒霜筠勢欲裁千尺有如鄙性孤且直

題湖山歸養圖送吳穀人侍讀假歸

詞臣直講到 三天一疏陳情啟別筵細雨金尊寒食夜

垂楊烏榜潞河烟採蘭欲補循陔句種秫先求負郭田共

說

君恩似湖水春波浩蕩泛家全

東風行送陳肖生山人嵩歸揚州

東風吹蝶南園飛城南韋杜春霏微小樓一夜五色雨天

桃欲放丁香肥此時美酒斗十千此時遊俠多少年金勒
馬嘶榆莢路隔墻花影搖鞦韆絲絲楊柳萋萋草獨有王
孫思遠道遠道棲遲二十年人歸却比春歸早竹西歌吹
水雲空蘆北樓臺烟雨中君歸此日足可惜畫裏花枝見
顏色

題田山薑先生大通秋泛卷

田郎招客一樽酒勝事流傳幾重九披圖笑倒江南人牽
船百丈雙驢走山雲壓船船不動滿船豪翰吟如闕是時

漢水蹶妖星轉輸百萬之襄荆

田詩及
征吳三桂事

遂令杜甫

漢陂興更縈元結春陵情倉曹職司會計耳仁人用心乃

留春草堂詩鈔

卷二

六

如此只今延賞到吾儕沅湘兵甲亦可懷

湖南逆苗
尙稽顯戮

四海

橐弓歸禹貢七旬舞羽先

堯階致身廊廟多稷契且盡一杯對秋月

題朱竹垞先生煙雨歸耕卷

雲中古戍南海水宰相世系落泥滓館人不識馬周才綠
督爲經良有以春深夜雨田園蕪荷鋤歸夢鴛鴦湖湖邊
蕭蕭萬竿竹却無百畝驅黃犢有田穫稻一家足無田著
書千載讀名兒掌穀孫稻孫明年攜爾趨金門金門又有
江湖思一釣長蘆烟雨昏

爲友人題春水居圖

獨向鴛湖住夫君神理超幾株松蓋屋一夜水平橋翠愛
嵐光潑紅知燭影搖道書如肯借早晚趁吳潮

夜雨和洪稚存編修

一雨無朝夕秋牕莽莽寒燈昏頻掣電溜響漸成湍白屋
誅茅歎青天轉粟難惟應洗兵馬送喜到長安

附原作

一夜瀟瀟雨開門水倒流亂雲穿斗拱野鳥宿簾鉤兵
甲真堪洗欃槍尙未休似聞 宵旰慮仍在益梁州

香山散直同趙味辛舍人遊臥佛寺

西嶺碧雲暮踈鐘翠壑隈佛從何代臥人自九天來古色

留春草堂詩鈔

卷二

七

生寒澗秋聲落講臺重陽已昨日登眺漫徘徊

宿海淀直廬寄故鄉謝浣雲陰青原吳清夫諸友

禁鐘寒帶隴雲飛如豆踈燈伴粉闌九月清霜天上直千
山黃葉夢中歸近牀切切秋蟲語遠道緜緜夜鶴譏爲報
妖星躔漢水吳鉤頻撫壯心違

送友人之官丹陽丞

作吏隨秋鴈流聲江水清躉陪袁粲尹猶是呂蒙城判牘
庭莎碧觀魚檻鏡明報書知敏妙朝暮故人情

洪稚存招同人祭詩

歲云暮矣曜靈奔賴有詩篇計日存幾句能傳心一寸殘

宵聊慰酒盈尊衣冠華燭真成拜風雨孤村早閉門一笑
雕蟲何所用舉觴酌劍好酌恩

方茶山曹長

體移居

買山賒望總蹉跎只合尋君踏碧莎如此名園朝士少莫
嫌佳日酒人多庭空四面攤書畫樹老通身長薜蘿纔擬
送窮先潤屋不知家具果如何

過澄懷園贈周駕堂編修

厚載

古藤曾訪子雲居又覓仙蹤到直廬坐對烟嵐聽刻漏頻
看鳥雀下階除清齋虛負千鍾酒素業終成七畧書花影
漸移樓影直定知朝士午迴車

留春草堂詩鈔

卷二

六

黃小松司馬拓嵩陽三闕文寄蘇齋索題

高高維嶽神所都祕文奇字無處無巍峩三闕互相望風
雨出沒雲模糊當時歐趙未到處則有董叟披榛蕪

董相
函字

金亭林顧空山牛競著錄約畧作記編爲圖黃君更欲探

靈迹凌寒冒雪膏輜車攀援幽險苦搜剔蠶蠟在手冰生
鬚馳將束筍入京國盡以所得誇吾徒蘇齋忽變嵩陽觀
憑空列嶂分郭郭太室齊楚自雄長少室朝拱如滕邾一
闕西踰小巖嶺陽城六篆誰與書中排分隸字盈寸秀立
冠冕人執及一闕開母獨乏額堂谿禱雨羣靈趨上辨維
時下嘉字首行拓補千峯摹一闕神道表少室刻畫人物

紛睚盱或獵猛獸鞭龍象或戲角觝撞都盧月規流暈開
石鏡搗葯蟾兔明雙驢何期妙緒空中闢衆山響應狂歡
呼叢林芝下向無拓露一伊字審不誣北平學士

翁覃溪先生方

綱爲摹研笑謂此字應歸余褚書龕名楊伊闕史記鄉號

懷伊廬磨墨兼訪衡方碣吾宗之良均範模

衡方碑稱與伊同祖秦

相已遠祭酒逝漢篆零落真瓊琚北平鉅筆追盛漢一字
堪敵百車渠始知三闕盡完整媵以季度垂寰區二千餘
載蝕不朽延光更溯元初初黃君嗜古有誰匹歸裝飽壓
牛腰麤嗤余半世看墨本幾時躡屐輾轅紆坐臥三闕三
晝夜墨華呼吸神清腴適來舊雨虛堂靜載得明月中峯
留春草堂詩鈔卷二

九

孤黃君餉我良不啻研田况復勤菑畬嵩陽居士照青眼
使我夢想同君謨

京師蒔花人以時送花立券而取其值馬秋葯名之
曰花券各紀以詩

花信更番到五都裁爲傅別買名姝短箋畧似羣芳譜左
驗還同調水符香色清齋論歲月文章菘苑剪榛蕪東風
吹動揮毫興一笑曾書博士驢

送洪稚存編修假歸

君不見琉璃井黃塵遠市車聲靜君不見澄懷園紅樓隔
水花枝繁披星直講 三天上退朝日永容疎放手編七

畧寫三倉一時仙侶誰能抗承

恩如此忍言歸停觴使我中心違洪君別我詞慙懷鵲鴿
原上風雨飛難兄奇才斗能戴荆花乍謝兩龔對當日孤
燈雙啼雛傷心更有先墳在去去情知不可留洪君洪君
能記不七夕殘荷聞雨醒中秋明月聽琴愁春風走馬城
南路贊公房內題詩處賞雪西山瘦骨肥祭詩小閣寒雲
暮今人坐惜古人哀翰林歐九都官梅白日西沉水東去
落花飛絮空莓苔

扈從過清河

北原靈時望如霞萬騎雲屯擁

留春草堂詩鈔

卷二

十一

翠華肅肅周廬聯鷺羽迢迢關樹接龍沙山容莽蒼晴兼
雨野色青黃整復斜夾道嵩呼誇盛事

九旬天子問桑麻

密雲縣

古縣庠奚漢代開潮河西走勢轟雷山橫絕塞疑無路石
疊中流尙有臺天險兩朝爭界畫雄才百戰剩蒿萊神泉
門戶陶唐俗牛酒歡迎

玉輦來

夜渡白河

執戟朝隨 豹尾過偶然卽次向巖阿記將明月檀州夕

榆影蕭蕭入白河

九松嶺

登程西日落邊峯
匹馬三關紫翠重
流水不停雲欲暝
一僧枯坐九株松

長城謠

駿馬嘶不行仰見秦時城
此城亦何異而挾羸秦名
廣礪山勢雄且奇秦城蜿蜒繚繞之
其色非黃非赤堅於鐵中有築城吏卒
血農夫耕地得怪石恐是役夫所化骨
下有廣礪水源自黑峪清見底良苗映水
何青青還見秦城嚙嚙形當時堪笑始
皇帝萬里築城延二世二世不再延此
留春草堂詩鈔卷二

城千萬年

三

常山峪遇雨

一角烏雲障幕昏
清塵急雨出山根
迴風驟濕

宮前路夕照猶明嶺外邨
望慰三農滋地利聲驅萬馬下

天門南天門地名來朝試認谿間路
舊漲新添幾尺痕

石匣

地險有如此與衰憶
往時金溝荒館驛石匣
古城基走馬憐詞客呼鷹愛
健兒琵琶明月夜一起故園思

牆子嶺

古戍列霄漢其崇何代牆
春屯邊草綠秋獮寒雲黃
斑駁

尊疊色陰森虎豹藏年年諸部落琛賚此來王

黃土梁

曉行沙巖露空翠沾人衣林禽尙未鳴澗道琴聲微不知
身已高但覺羣峯卑羣峯澹如墨一縷雲氣飛倏然漲成
海萬頃都迷離誰削青芙蓉萬壑開朝暉

青石梁

小石碍行脚大石觸面削駿馬豎髮風長嘶驚錯愕其前
臨絕嶂刻劃象郭厥後布碁局了了見村落天宇莽曠
蕩地軸通橐籥探幽步步殊決皆人人各奇賞心目勞禪
關叩寂寞

留春草堂詩鈔

卷二

三

廣仁嶺

千盤蝨處禪一線蟻緣垤嶺橫疊嶂開險自何年設石膚
溜雨滑戰慄置蹄鐵躡躡平生心却曲苦折節仰首得孤
亭引我如提挈奇石虎豹伺環岫兒孫列上有極天松下
有太古雪凜凜夏晝寒河水乃名熟

晚直東潘理齋編修

世璜

韓桂舫曹長

莫厭泉聲破午眠鳴珂濟濟肅班聯風迴蘭薄收殘雨日
駐楸枰識小年太液好賡黃鵠唱鈞陳還檢白雲篇不知
人世愁蒸暑上界先秋已爽然

入古北口作

奉

命副錢編修福昨典
湖南試馳歸京邸省觀乃行

甌脫當今屬一家中原山枕北庭斜三關通道來琛賚諸
衛連營競鼓笳夜燭女牆秦塞月

恩流子舍漢江槎自慙幼忝趨庭學漫向蟾宮植桂花

送吳少甫吏部樹萱典試粵西二首

才華小宋歷名流慣泛仙槎犯斗牛玉壘浮雲成舊夢甫

會視樓曾是采芳湘浦客渚宮重過不勝愁

蜀學

後車亦奉

詔書馳忝躡前蹤見面遲相隔星沙纔幾驛各持玉尺未

旬時以君蛋雨蠻烟夕知我蒼葭白露思更有故人居塞

留春草堂詩鈔卷二

三

北聽殘羌管望天涯謂韓桂船

積水潭爲明茶陵李文正故居時帆祭酒邀同人觀

荷餞予之湖南并出茶陵畫像索題

荷香懷麓草堂前葉葉花開一樣圓三百年同雲水夢四

千路結芭蘭綠懸來像似城頭鶴侑盡觴聽柳外蟬他日

弔公湘浦夕數聲瑤瑟出江烟

自琉璃河夜行至涿州

黃昏十里琉璃堤河流如箭湍沙泥驂駟踏鐵石齒齒葭

炎嘯雨風淒淒寸腸饑餓童僕困滿街燈火牛羊歸 王

程記里迫清夜乍前欲却心狐疑暝山暮雲那可見兩月

浣鏡來相窺有時流潦橫路側坐覺白露沾人衣初登岡
巒極曠邈亦踏澗石窮烟霏孤蟬聲咽戍鼓斷百蟲響和
流泉微尋常邨落盡瑤島叢雜竹樹皆瓊枝此時暑溽恍
秋淨使我心悚寒生肌月臨中天虹跨水迎人列炬分清
輝四更斗轉萬戶寂巖城魚鑰開雙扉嗒然對案不能食
心知塵境若有違

劉伶墓

酒星忽在地飲者留其名礪草芳長臥山花色帶醒千秋
還我輩一鍾是平生欲約高陽侶來揮寒食觥

順德謁魏宋兩文貞公祠

留春草堂詩鈔

卷二

十四

我行指襄國旣雨禾芄芄龍岡渺何處鵲山殊未逢道瞻
斥埃邇城據坡陀雄式里欽名賢吾愛鉅鹿公一鑒照黃
屋十思陳丹衷廣平佐中興治幾貞貞觀同當其未遇時作
賦含清風天生鐵石心配此嫵媚容竭來拜祠宇爰諮到
村農荒涼弔石獸盤桓倚孤松愧乏蘋藻篇勗以非貌恭
臨洛關題壁

關勢窺全趙河源下太行遏流雲駢駢驅暑雨蒼涼柳葉
垂天碧槐華滿地黃只今誰好士小坐說原嘗

車騎關

朝登車騎關路長一騎直上神飛揚輪蹄礪硠疲且僵高

岡之阻如太行邯鄲北枕烟茫茫井陘東挾山蒼蒼下馬
四顧心徬徨古來用武茲巖疆石如鳥卵填路旁居民用
以爲堵牆朝饑欲煮充饑糧來道蕭蕭多白楊陰雖可藉
聲淒涼疾馳快馬來滏陽堤栽榆柳田麻桑到城流水荷
花香

渡淇水

纔濕檐帷雨似烟晚晴佳氣到淇泉隔溪葦當千竿竹疊
石橋閒一葉船恍應和鸞聲激激欲沾襟袖色娟娟言尋
衛女裁詩意涼月新秋掛遠天

滎澤渡河

留春草堂詩鈔

卷二

三

洪河終古勢崩奔鄭衛中分禹跡存流視兩丸跳日月源
聞一曲下崑崙濤聲暮走鴻溝界野色秋高廣武原誰爲
國家籌濬淪更無脩竹滿淇園

朗陵道中次錢文端公韻示雲巖編脩公之孫也

迎人嵐翠出深烟回首孤城夕照邊山縣古名傳盛漢江
鄉清景似由拳數團螺髻雲開岫百壘僧衣水界田詒穀
皇華留詠在玉堂徵典合編年

詩爲文端雍正己酉典試湖南時賦

渡淮寄扈從諸友

山禽一路叫鈎輈細雨如絲到郢州人鏡淮清餐竹翠却
思天入塞垣秋

信陽道中微雨竟日

層層郢門山漠漠淮津霧咫尺不見人濃墨點烟樹好風
將雨吹如塵復如絲不愁嘲御叔頗愛沾人衣一盤還一
曲野水縈秋竹有時瞻鷺明終日飲山綠英英木槿花林
罅枝天斜郵亭歇曲磴江路繞平沙沙平映江白蘭草參
差碧誰知使者星本是看山客山原無定姿雨亦無休時
農求青箬笠馬惜錦障泥蒼巖治裝曙幽澗褰裳暮空吟
明月篇風人渺何處

爲何大復故里

雨夜懷韓桂舫

一雨真令節候更楚天秋氣入山城孤燈明滅淮南夕對

留春草堂詩鈔

卷二

三

楊淋浪塞北情吟菴暗催殘夢醒賓鴻遙喚旅愁生那能
繪出圖中看叢竹幽泉迸作聲

桂舫有聽雨圖卷子

喜晴

三日潑雲墨收來一夜風嵐蒸山欲動天淨水全空人意
新晴裏田功宿雨中停車向蓮沼猶未卸殘紅

武勝關

山勢通秦嶺關臨列岫開天低鄖子國雲沒楚王臺晚水
涼侵月秋花亂繡苔三閭哀怨後最愛賈生才

晴川閣

江城如畫浣征塵愁絕梅花笛裏人芳樹影中明似鏡浴

鳧洲上碧如茵會聞名士題襟遍獨上高樓拍酒頻鸚鵡
能言非善策幾多文彩歎禰衡

黃鶴樓

峩峩層構俯江開江色秋澄似潑醅乍可同流惟漢水未
將擱筆礙仙才晴川自讓二千尺大別對傾三百杯共說
今朝風日好應招黃鶴再飛來

同錢雲巖編修偕嬾雲道士晚登岳陽樓

天旣滙此無邊水何爲僅生一點山一山玉盤委青豆疑
孤星落銀河翻銀河倒影見圓月恰照龍宮混瑤闕悠悠
選古同見之孰若今宵清興發湘君縹緲迎桂旗劉郎竊
留春草堂詩鈔卷二 七

窈歌竹枝更向僊人借鐵笛岳陽樓逼天門吹

湘江竹

洞庭渺無際天末見修竹風聲動微波秋氣戛寒玉一聽
水龍吟何處仙鸞宿不傷堯女祠爲誰娟娟綠

湘山松

昔聞湘江竹今見湘山松千直寫幹密一蓋盤陰濃幾經
歲寒雪招得清秋風香草但聞氣心知此山中

晚渡湘江

良夜泛遙浦情知水有靈纒宜芳杜襲瑟怕老蛟聽見月
心逾白何人眼不青三更河漢轉冠珮看揚舲

沅水

沅水流同澧水清
養施多恐蕙蘭成
湘夫人在思公子
屈左徒空弔賈生終
古離騷文一變
滿天風露月初明
南來帶得賓鴻至
譜入么絃是此聲

八月初九夜作示錢雲巖

秋清鎖院畫欄憑
鵠立青袍隔幾層
昔日苦心今日思
三條銀燭一條水
桂移湘浦如斯白
月傍文昌特地澄
欲報國恩衡鑒慎
力排苗軋勉兢兢

九日羅慎齋少卿典招同范叔度學使師錢雲巖編

修嶽麓寺登高

留春草堂詩鈔

卷二

天

節擁皇華使筵臨
翠巖隈江山逢九日
懷抱向深杯
宋室數君子賈生天下才
當年投賦地終古讀書臺
步步凌霄漢
茫茫辨草萊
雲從衡嶽織水自澧州迴
孤嶂唐碑矗層樓
禹甸開芷蘭
紛佩服邱隴小尊壘
浸巨南溟滙天高北
斗迴有苗今格化
維楚信多材
從騎松間出行厨
竹裏催談經宗孔鄭
聚飲得歐梅
湘浦情何極
京華首重回
他時編勝槩曾醉菊觴來

岳麓書院

昔人開講舍清絕麓山前
都以騷爲思誰將佛結緣
芷蘭吹嶽雨橘柚點江烟
渺渺浮槎去湘君抱月圓

賈長沙祠

天下才遷謫離憂湘水深席前宣室戀傳合史家心江月
娟娟色秋風嫋嫋音尙餘竹枝怨付與劉郎吟

又一村讌集酬姜中丞度香先生晟

放眼秋光野趣宜連朝壇坫盛威儀王人忝列諸侯上別
墅仍勞小隊移疊石生雲藏樂曲踈籬隔水見花枝亦知
酒美情無限歸驛兢兢使命馳

湘江禱詩

青草湖邊夜雨繁桃花江上漲新痕青草至今滋竹色桃
花何處問仙源

留春草堂詩鈔

卷二

无

資菴紛紛蘭不芳蛾眉謠詠怨空房信讒誰葬蛟龍窟可
但强鄰是虎狼

十二巫峯夢裏看發情止義古來難請觀宋玉牆東女班
竹蕭蕭倚暮寒

宛轉含情唱竹枝輕羅如霧晚風吹湘夫人杳瀟湘水孤
月淒涼下九疑

湘浦

湘浦斷瑤瑟猿聲宵月中秋心極烟水雲夢接空濛偶潑
襄陽墨時飄杜若風蕭蕭江上竹淚落渚花紅

澗口題壁

又食嘉魚過武昌王程記里重驚長中宵鶴夢翔寥廓
月山容特老蒼使者心齋黃葉館故人家指白雲鄉

齋丈居鄰邨周諷敬備 清宮對淨掃欃槍種麥忙

孝感道中

俯囑盤虬百尺松九嶷翹首削芙蓉山行忽訝無邊水月
下能分幾曲峯村婦收棉攜稚子枯僧鑿井半鄉農莫嫌
假館難安枕歲熟時聞午夜春

呂堰驛歌

為王巡檢死事歌也王君名翼孫字聽夫長洲人

湖北呂堰驛巡檢嘉慶元年三月賊攻驛君殉難

留春草堂詩鈔卷二

三

失其尸後統師者獲巡檢印乃得君死事狀請

卹如例無子以其兄芑孫之子嗣廕雲騎尉

垂虹宛宛長蛇陣巡檢誓與民同命義軍夜半鑿凶門長

蛇赴壑民星奔剛大植立妬其角短兵既接三酋斲

王君殺賊目劉方達劉漢德陳起蛟三人常山有舌罵不休自投於水戟倒鈎青燐

白骨貉一邱將軍獲賊腰銅印

帝褒授命命得正君不見梅花嶺上葬衣冠巡檢雖小完

其官呂堰叢祠香雪寒

過新鄭贈紀慕僑明府

維咸

同是殷商姓應聯兄弟稱治真儕渤海詩欲續春陵晚水

清無滓秋山瘦有稜莎庭深夜話猶對讀書燈

寒色憶湘江

寒色湘江上無人知此心雪花落水盡竹淚過秋深浮世
看帆影華年感瑟音雲中君去後想像到於今

李墨莊舍人

鼎元

由絲州登岱題圖二首

人共峨眉月飛臨泰岱巔一杯東海水九點齊州煙吳練
照顏色秦松經歲年封中雲自起七十二君湮
天下果然小平生未一登月明招鶴駕日浴想烏騰雲作
中原雨陰藏九夏水亮無封禪事豈謂彩毫能

題黃小松別駕岱巖覽古圖

留春草堂詩鈔

卷二

三

子久一枝筆能將古意傳官宜訪碑使杖挂水衡錢寥落
漢唐字蒼茫齊魯煙如何懸蠟屐畫裏結因緣

題譚子受

光祐

英雄兒女圖

防身寶劍倚天青花氣縈紗隔小屏投筆封侯年少事只
消癖馬易娉婷

賦罷文鴛更舞鷄短長亭北畫樓西怪他銀燭雙垂淚酒
半悲歌夜半啼

題時帆同年溪橋詩思圖

鳳城闌似水雲鄉檢韻真如聽鼓忙想見橋南幾株柳春
風駘蕩月昏黃

人傳蒙古大司成叉手溪橋百遍行好是雨來雲攔住春
流決決和吟聲

戲呈劉石庵先生

半世塗鴉鬢欲斑平生惟服謝東山幾回欲試撥燈法仍
恐書遭批尾還

送金手山遊大梁并寄趙渭川同年

希璜

君去客梁園方當華事繁高雲落嵩少細雨黯夷門腸已
如輪轉袍真亂草痕行行渡漳水先見趙王孫

留別金園

尺五城南地笙歌醉日斜春深韋杜曲客散竇田家上楊
留春草堂詩鈔

卷二

三

還明月填門有落花青驄都識路回首渺天涯

留春草堂詩鈔卷三

寧化 伊秉綬 組似

過趙北口

東君一夜渲柳枝黃金界道搖春池析津九十九淀碧西
連瀛莫澄玻璃駿馬如龍上都至騰入湖光飲寒翠銀河
耿耿葭蒼蒼仙侶同舟幾年事甲辰秋與賓谷過此蓬壺樓殿烟靄
間大雄小雄浮青山

先皇玉座空雲水當時鴈戶瞻

天顏戰艦猶存望

清蹕波心白羽還如月樂利百年父老心把鋤謂得三冬
留春草堂詩鈔卷三

雪獨有東華執戟臣攀

髯不及淚沾巾洵知巨浸滋芳甸愁對穠花作好春

春柳詞三首

弱柳得春氣翩翩弄柔枝一枝縮殘月一枝餞斜暉美人
立東風含睇愁芳菲豈伊惜晚晚亦匪傷別離感嘆默無
言卉木何曾知

驅車長安道行行植原古昔臨秋月疎乍遇春風舞映以
清泠淵濯以廉纖雨雙燕憐青眼乃睇飛斜刃日暮小園
情又聽津樓鼓

細草識天心細柳管人情江河不斷綠相送天涯亭

粵東亭名

天涯獨無柳免嘆先秋零永懷小雅材依依是平生

齊河道中二首

朝馳紫陌繡成堆簇簇芳風送蝶來纔歎化工文妙絕杏
花開遍白於梅

輕塵浥雨曉疑昏老樹撐空蔽寺門好是齊河城外路遙
山青見岱兒孫

登合江樓

落日萬峯低樓闌樹杪齊桂花幾開謝江水自東西野浦
漁爭集荒林鳥亂啼曠然懷古者秋草尙萋萋

題夢禪居士

瑛實

山水與宋芷灣庶常湘同賦

留春草堂詩鈔

卷二

二

橫側向背各一峯中有一線風雲通山門了了瞰下界愁
絕九節仙人筇左駕龍鼉麤虎豹右俯一片青芙蓉全力
寫山神注水疑動地肺穿龍宮陰陽開闔孰陶鑄筆與元
化爭神功昔曾登岱異此景厥松畧似秦所封客云華嶽
秋露骨目極茲境尋難窮誰能作此夢禪叟追高且園沈
石翁青原居士陰一東林亦辦此世人耳食嗤北宗丹青渲染
逞姿媚山石笑倒昌黎公宋家翰林最個儻是有奇氣於
胷中昨宵寄我蘇研句哦至月落鏗殘鐘逝肯來遊洽幽
賞登堂贊嘆口不容下榻懸圖廣開讌羽觴飛到櫻桃紅

同友人登合江樓次東坡韻

明月雙流一鏡中，憑欄有客話元豐。
不虛懸榻來高士，竟坐胡床成老翁。
與爾同思武昌夕，問誰能唱大江東。
只今惟有磬陀月，曾見神仙作寓公。

湖上讌客

準提閣迴孤雲上，倚醉分題忘主賓。
小有湖山堪供客，頻來魚鳥亦依人。
塔鈴宵語清於磬，海月秋圓白似銀。
愛棹輕舟洗心眼，露華湛湛水粼粼。

臘月十九東坡生日設祀并送賈生遊瓊州

岷峨古雪凌寒松，星精夜犯磨蝎宮。
獨與騷人托性命，越七百載神靈通。
昨宵伐鼓泛珠海，清晨白鶴瞻晴峯。
焚香留春草堂詩鈔卷三

三

布席開小閣，梅花初放春酒濃。
賓僚偃偃肅瞻拜，爲想燕寢茲廬中。
子由不來子霞死，河車始悟醍醐功。
豈知長生原有術，不在服食憑孤忠。
京華往昔爲公壽，期早退印已封一年一圖再三詠。
誰與主者蘇齋翁，賈生蘇齋門下士。
翩然訪我南海東，祀公懷公豈獲已。
仍從僂耳尋遐蹤，曾是兼旬別悠然。
見畫檐好風吹帶影，喜色上眉尖。
人已垂垂老，光宜夜夜添。
徘徊露階下，慎勿報更嚴。

見新月

六如亭二首

金縷餘霞散晚風，美人墳傍佛樓東。
因依玉局三生後，纒

紗陽臺一夢中明月有情終到海
慧心無那總歸空
怪他湖水如斯澹
半樹梅花開更紅

文章西蜀水西冷
莫歎浮蹤逐斷萍
影落寒江神與逝
臥聞清磬夢初醒
亭花時散彌天雨
墓草長留特地青
七百年來搜蠹簡
端州磨石爲鐫銘

時補刻東坡所撰墓誌銘

同陰青原宿羅浮華首臺

四百峯棲五百僧
高臺塵世幾人登
日方長至逢仙蝶
林乍踈時見佛燈
魏晉數椽留竈古
海天孤月麗宵澂
前因記取梅花影
紙帳禪房共爾曾

于役高州塗中雜詠四首

留春草堂詩鈔

卷三

四

結束事朝叅簿書
苦執掌不如遠行役
鳴榔聽清響
江水日以深
晴光豁朝朗
倚牕擁衾臥
青山陪偃仰
白露潤我腸
綠水湔我頰
况陳古人書
故紙得心賞
披吟未終冊
惓然念吾黨
東樵丹砂明
西樵靈芝長
百歲詎云遙
何方肯孤往

卸帆羚羊峽
碧流松桂陰
如何天上雷
化作風中琴
靜夜洗雙耳
起悟在寸心
頂湖衲峙其旁
恍列神示
森石骨秋瘦
削山氣暮深沉
推篷看星斗
驚起幽棲禽

孤月孕爲珠
七里化爲石
旣化仍留精
天地空中關
乳源可泛觴
巖洞堪布席
巍巍樓觀窺
一一尊囀色
大江潯梧

來千里滔滔碧到海終有心誰云日將夕

我行何所底將窮南海濱高涼接珠厓實與交趾鄰潢池
警外洋有藪逋逃臣

謂安南阮氏

天公命風伯奮颶除餘氛鳥

焚幕上巢魚遊釜中魂未免風力威遺波及蛋民那惜發
左藏博賑吾民貧茲來暇遊覽到處勤諮詢

朝廷盛德化風雨皆深仁疾苦悉我告我亦耕田人

登電白縣城樓

積水連西極如塵海舶過風高之鷹隼秋老動鼉鼉銅柱
功猶在樓船議轉訛徘徊思漢將暝色欲沉波

雷州寇司戶祠

留春草堂詩鈔

卷三

五

海氣南州接大荒樓臺何地廟蒼涼注孤要識心無負夜
水長悲足有創空院落花疑淚蠟野人薦飯感蒸羊漢書
未讀天書進坐惜奇才早擅場

羚羊峽

西江下象郡趨海勢橫猛峻峽樹重關約束在俄頃沿流
曲而駛其氣舒以靜飛鳥不敢鳴琴筑聲合并心源証來
清聞根相與末地脈鬱奇秀叱之似欲逞戢戢踰其羣拳
拳露其頂泉韜綠篠深崖染丹霞靚端溪分一甸寒可鑑
秋影百丈鑿水巖千夫汲脩綆如何割石髓爭入蛟龍境
一手書未工含毫發深省

頂湖山

中歲謝浮念喜與僧爲綠杖策遊名山山靈幸見延元猿
隨我後白鹿導我前疏峯冠霞表幽澗承泉源嶺南詎無
雪飛灑千巖巒想見湖水平山頂涵青天捫蘿窺石鏡俯
壑登雲門中有元棲侶枯坐忘其年但守沈冥理寧假文
字傳谷口尋歸舟夕霽含蒼烟

羊蹄嶺

萬水皆朝宗羣峯各異向盤礴疇肯伏嶙峋若相抗高摩
蒼穹心橫臥滄海上梅銷未到處設險重開嶂谷深鳥翼
迷石怪人面妨下上異晴陰雲泉互激盪策杖右臂廢鞭
留春草堂詩鈔卷三
六
馬前足仰茲地昔防倭百粵扼其吭熊羆百萬屯當關一
車兩時清縱無患職守安敢曠崇墉易禦暴積倉艱轉餉
攬勝心躊躇山靈謝無恙

葉花谿丈

廷勳

招集友石齋看牡丹三首

吉祥院與慈恩寺豔藥會聞近佛幢悟到色香無着處白
詩蘇記對吟牕

李白詩邀妃子笑姚黃花損相公名何如綠鬢春長在鏡
裏風光囊底情

省識年芳三月三乍寒乍暖雨香酣東風莫漫嗔貧守看

遍曹南更嶺南

洛陽花事今遜曹州廿年前曾遊之

過友石齋懷詩人黎二樵

石爲二樵故物

南漢風流盡花開江上村山光連雨斷海氣挾潮昏闕世
桐孫老論交石丈存黎侯杳終古瓜蔓隱柴門

寄韓桂船觀察

故人持使節應上巴陵船會作浮槎客相思落木天月華
洞庭水蘭氣瀟湘烟我亦踐陳跡驅車到海壖

酬錢裴山學使同年

露下桂華堂珠江片月涼

詔書同武列

昔與裴山扈從灤河
同拜典試之

命星象逼文昌安得蘭舟

共相於菊酒嘗他時雲閣迴迴鴈落烟蒼

留春草堂詩鈔卷三

七

寄吳清夫教授

白雲起羅浮東作豐湖陰冉冉復飛去伴汝滄浪吟滄浪
之水清照見我心游魚戀舊澤倦鳥懷故林況余入秋
來髮短不勝簪生別但契濶死恨難銷沉維昔與張子

孟詞

進士三士稱知音山陽已感笛洛浦空遺衾聞君善名理

入佛海深寸心有所觸放下同聾瘖我書故人名刻石南

山岑

寄陳仲卿

曇

溟海綠萬古君得明月珠清宵弄秋色獨立顧盼殊顧盼
若有思所思鬱以紆衆鳥夜啁啾見爾真鳳雛鳳雛久不

作梧桐况葉落流聲天外洲棲心雲中閣雙江水悠悠坡
仙之所遊安得懷珠來照耀百尺樓

喜雨和宋吉士二首

百萬窮簷淚翻爲驟雨淋豐荒關 國計仁愛本天心已
聽通宵溜還思三日霖東堂銀燭暗枯坐擁重衾

海上密雲布迎曦蜃氣紅誰將雷電力頓使地天通錢鏹
兵銷後田廬

睿慮中周南留太史爲紀黍芃芃

十二日夜雨

喚起阿香事曉行天河挽水瀉江城墻頭幾處移蝸迹隴

留春草堂詩鈔

卷三

八

上來朝叱犢聲庭院深沉宜夜坐

國家根本在春耕老農勞慰相期早定有桃花柳外明

碣石同袁香亭司馬

樹

登砲臺

雲外高臺倚碧岑夕陽人散古榕陰長官畧識三倉字石
丈疑橫百衲琴方罨鹵田通海氣如繩戰艦劃天心麻姑
將酒酬風伯一夜鯨鯢卷浪沉

時颶風吹沒
盜船無算

雙江

渺渺東江江水生西江彌望綠初平江頭月色清如水照
見荷花出水清

七夕

層城遙隔尙居樓半卷珠簾燭影流玉露嬋娟照良夜銀
河清淺作新秋飛飛烏鵲求枝急耿耿黃姑隔渚愁却憶
去年神電衛海天如夢賦瀛洲

罷郡宋吉士招飲湖上

佛火棲禪寺漁歌明月灣竟能來此醉聊爾共君閒忍事
心徒壯憂時鬢早斑妖星照湖水幾處掩柴關

團扇效劉夢得

一年團扇又經秋攜手仙於牆角求來歲承恩清暑殿別
求匹練繡秦樓

九秋感懷四首

留春草堂詩鈔

卷三

九

蒼狗如雲墮地來何方戲馬許登臺秋心得酒都成淚海
氣搏風總是埃孔雀未知牛有角鷓鴣肯信鳳無猜一官
似帽吹先落空爲生靈哭草萊

宛宛欃槍畫角東由來掃蕩疾惟風魚龍變幻歌筵上鷺
鸛縱橫奕局中豈謂封狐猶伏莽漫勞元老壯臨戎可憐
有稻無人穫藉寇秋原雲水空

壁壘依然閭井虛荒榛叢棘若爲鋤占言利執籌神筆豈
不懷歸畏簡書嶺嶠雲屯儲餉日邊城冬暖受降餘封章
奏捷 蓬萊殿早有彤弓不 玉除

白叟黃童相見時嚴城午夜病支離才非屈子殊慙放望

重臧孫竟不知父老百年驚鼓角羅浮雙岫掩旌旗惟期
去後桐鄉戀屢報豐年慰我思

送謝浣雲旋里

老親禁作詩古佛勸止酒二者旣已除兀然負吾友吾友
涉韓江省我兵燹後妖氛照夜赤陣雲壓城黝吾方哭蒼
生有淚不容口千燐飛原草一炬燼屋蔀長蛇肉可食猛
虎降肯受失前禽不誡奏凱亦顏忸君來倏經旬始剪羊
城韭平生出處心快意數誰某君義誠可感書畫尤可壽
隆冬動歸篷緬想霜雪厚孟光爾所敬阮咸吾有取但積
書娛心何必印懸肘安得歸敝廬及春事南畝

留春草堂詩鈔

卷二

十

移居番禺寄馮魚山比部

敏昌

忠孝傷心地文章皓首交敢云才與命誰謂漆投膠雨進
林宗饌秋誅宋玉茅願言報夫子惟有淚雙拋

臘月十九日與宋芷灣張賢仲

思齊

伯樹

維屏

陳仲

卿祀東坡

自是星精降不辰年年祀與感相因子霞夢斷游僖耳涑
水名同冠黨人良夜卜成文字飲荒齋寒盡海天春此時
酣睡軒前鶴應念南圭舊德鄰

爲盧容庵農部

瀚

題讀易圖

虞翻昔南遷著書越臺側其抉義畫心畧本慈明易京焦

納甲祕鄭陸文辰息斷斷李資州漢學勤襁績亦越浚儀

生

伯厚

高密如有覲中間王輔與韓康伯伯禩取莊老釋欲究

十翼微終共八緯斥淵淵洛水清峩峩閩山碧萬古此乾

坤奧窅頓開闢夫君起西江矻矻懷駒隙象非盡鑿空互

變良可藉理非盡決疑樂玩期朝夕當其書告成瑞芝榮

玖瓌吾生多憂患持守在損益懲忿情必平改過心恒盡

齋居樂玩餘名義上下析泰運狃而安變損已疇昔否利

君子貞之益又安宅轉移那有常震動慎闕寂借問此何

時百卉蒙春澤從君道陰陽章編娛雞蹠

寒食同宋芷灣吉士陰青原上舍登粵秀山次昌黎

留春草堂詩鈔

卷三

十一

寒食日出遊詩韻

我生自信貧非病花朝逢閏春光盛佛桑初發曲池鬻團

團火齊玻璃映千山萬山水棉開擊碎珊瑚果誰競波羅

廟古朝霞飛瑣牕獨展玉堂詠

芷灣新作木棉花詩

玉堂才子興最

豪走讓陰鏗詞義正春半寧知百草蘇歲差那見二月更

已云愛花入骨髓還道將友爲性命承花有鼓苔有岑孰

聯其情執其柄遊蓋飄雲取次高盍簪於野方爲慶趙州

有靈杯酒澆西方無佛瓣香敬一花紅壓粵秀青鐵幹撐

空太孤篋探到藤蕪正則窮享及鷄鷓文仲聖坐看暑景

上花援霸圖安在嗤兼并燕喜西都何足云著書山下原

眞性昨者羅浮罹小劫日暮妖氛風雨橫寒食無人事野
哭沙沉白骨蘆芽迸忍憶豐湖載酒遊花枝姪姪搖圓鏡
天高誰叫閻闔門水濡人玩大夫政田中執禽挾矢疾海
底射蛟伏弩勁和甘只合養嘉禾莫待秋清仍春令

晚登越王臺

招得秦時月來登朝漢臺山川餘霸氣歌舞送雄才朔管
宵城急蠻花秋樹開滔滔歸海水誰信有潮迴

粵秀山禪房小坐和芷灣

南漢呼鑾道今惟鐘梵聞霸殘尊古佛客至坐斜曛花氣
冥如霧江光白似雲晚風吹苦茗松子落紛紛

留春草堂詩鈔

卷三

十一

毛壽君_琛移寓長壽寺

黃葉城西寺逃名得壽多有情來祕校

謂潘毅堂舍人

無疾伴維

摩曲沼通潮信踈簾漏月波短筇孤杓外猶記數新荷

次韻酬吳退庵孝廉_道二首

雀影柴門暮經過獨爾親靈均敢誰怨曲逆竟長貧忽下

寬仁

詔彌輕報稱身高堂望關塞感激涕揮頻

海水極天碧不知秋月生江湖同跌宕兄弟各聲名頓遣

離懷釋况當公是明一尊酌良夜未忍話歸耕

雙鴈篇

雙鴈復雙鴈依序來相見一聲嘹唳萬重雲對酒燈前聞
色變月明如水浸寒沙沙上蕭蕭蘆荻花一鳴一顧衝風
斜排空有羣逝已久偶影難獨苦相守安心不慕稻梁厚
小者如恭大者友羣魚化雀滄海波鷓鴣鐘鼓饗禮訛黃
鳥移巢避歲惡鴈今不歸將奈何

潘容谷郎中有度招集鷗波吟舫

欹枕細泉響洗人方寸心虛堂文字飲良夜管絃音花氣
穿紗出香烟着水沉蕭然不成寐歸夢落遙岑

葉花谿丈招同毛壽君布衣黃芋洲廣文丹書呂子

羽山人翔雅集鹿門精舍次韻二首

留春草堂詩鈔

卷三

三

臺榭浸寒綠瀟瀟花竹秋浮雲都入海涼月獨登樓心逸
知魚樂天空想鶴游倚桐高詠者端爲此君留

借問樓人海何如隱鹿門園林忘主客圖史樂朝昏高枕
斯樓最清襟吾道尊疏泉種蘭蕙芳意有根原

尋南園故址明粵東前後五子觴詠地今祀宋末三忠臣

惆悵南園地秋光共水清君臣三大節詞賦十先生樹古
蟲留跡江空鶴有聲抗風軒上月應爲鑒精誠

題陳仲卿詩草後

太邱有才子於我結新歡寸管驅龍象通身襲芷蘭珠江
天漢落瑤草洞雲寒應念知音者琴懸不自彈

宋芷灣招同黃芋洲呂子羽宿葉雲谷員外夢龍風

滿樓再餞予北歸醉中留別

五人襍被空堂宿瀟瀟夜雨桐心竹名地縱飲高歌海舶驚

滿樓燈影搖寒綠丈夫未了民物憂安能射虎南山頭手

挽銀河摘珠斗凌空長嘯海天秋

附送別詩

宋 湘

風波生別離艱貞定憂患君行具舟楫我心指葭亂事
畏從頭說意切方來盼思歸聊爾歸得宦亦當宦欲語
心萬端一口不得串

君當別有言出處理爲商知君徘徊意轉我友朋腸竟

留春草堂詩鈔

卷三

十四

夕不能寐此計知誰長俗人慕官爵志士念顯揚願公

思復思忠孝亦未妨

君恩重如此父德何可言公學旣有效遺愛在元元平

生事讀書豈必高邱樊輾轉復輾轉慎勿薄軒冕倘不

知公深未用輕勸勉

別離不足道會合何能忘人生所交游寤寐能具詳此

事關道義不獨在文章惟公知我真惟公容我狂念此

復惘惘湖之水泱泱

湖水復何如公亦去之久我每過惠州不敢重迴首惠

人昨日來思公只如母非我實媚公父老祝我口公平

當復來椎牛醺村酒

寄韓聽秋孝廉

如縷情絲視肯休聞其方有目疾未驚明鏡雪盈頭此身慙掣寰
中電徃事聊同水上漚一寸心通千里月八關齋閱小山
秋吳閬歌管繁華甚獨守淵元挽末流

夜宿清遠峽口次晨遊峽山寺三首

山靈掩華月杳冥如可談人定水自明石壁翻澄潭張燈
潭上宿蛟龍視耽耽夜半雷雨作溱神遷而南洗出幾蓮
花霜天送青慙輾轉待鷄鳴孤艇穿晨嵐

曉晴歌黃竹披雲謁帝子軒轅誠渺茫紺宇蕭梁起穹殿

留春草堂詩鈔

卷三

十五

蒲牢鳴聲宏應波底孤亭山半危承泉架石齒萬石破水
聲水花織羅綺榕根上天梯拄藤從此始

萬古不飛去而乃信飛來當其飛來時潮避天門開離奇
到松竹縹緲仍樓臺後枕庾嶺屏前酌滄海杯禹君乘秋
月曾駕雌鸞回

中宿峽

別海罷潮汐入峽兼陰晴陰積太古氣晴見翹峯明崖懸
葉墜間枯木無風鳴無風動客愁况乃西風生百口寄片
竹飛纜驅猿行兩岸神虎迹六時子規聲忠信苟不虧履
險只如平息慮聽波響庶幾聞咸英

滇陽峽

滇水源雄州涓涓明清瀨蒼峽屢激之滇怒波瀾大山骨
本峻厲使水甚矣太安得灣環行面面樵風會風利亦奚
爲坐失翹峯最不如飽看山遲舟壓青靄

英德縣

玲瓏琢天巧俶詭徹山靈斗城置石中妨面芙蓉青定知
飛上天一一皆華星奇峯詫雄武側諦殊娉婷前後左右
顧變幻無定形而况千百峯疇限女媧型我未具袍笏舉
觴不能醒似聞縹緲處乘月來雲軒

觀音巖

留春草堂詩鈔

卷三

六

精衛欲填海遺石天南陬波濤齧其根微罅棲縑流如燕
幕鳩巢久思招提游過客獨驚異兼有無窮求豈知補陀
山三島環十洲又環大瀛海身世眞浮漚何小不喻大齊
物良有由方學寒蟬鳴天風響颼颼

度嶺喜晤吳白庵廣文

照

嶺南海氣昏如霧嶺上梅開三百樹雪香策蹇不回頭橫
浦故人欣道故延陵仲子曠世才語襍悲喜神爲哈鶯溪
之絹爲我裁剡溪之酒爲我開銀漢西斜日東上對弄柔
翰傾金疊玉山欲頽五嶽轟君似奇書不厭讀從來骨鯁
宜臺垣何事蕭疎寄盤谷會都轉賓畢尙書秋緇衣之好

平生無黃山白雲成海水中丞報書又知己

阿雨總中丞聘為徽州山

長明日去官如脫屣交君廿年心早降廿年幾夜挑銀缸

同舟且泛芙蓉江

懷故友李虛谷編修如筠

關路正蕭瑟况聞鄰笛哀英姿悲短李微雨灑寒梅詞賦

千秋筆風雲七尺騾如何題片石遽上嶺崔巍

章石樓同年學瀛昔贈白庵畫蘭長卷舟中與白庵

檢閱愴然時石樓下世二年矣

芙蓉江上雨同聽化鶴人今入杳冥為問廿年濡墨客鬢

絲可似畫蘭青

留春草堂詩鈔卷三

七

雨夜泊彭澤

風雨冥濛夕江山浙瀝秋似聞河伯歎未解小姑愁

小姑山名

晉縣燈明郭吳船笛倚樓堂堂方斷事欲挽水東流

明方伯通

先生官四川斷事靖難殉節於華陽鎮投江死鎮昔屬彭澤

文信國琴琴有字曰夜宿青原寺聞召譜一闕

海水有時盡此琴無限情殘宵宗國慮餘響暑天清譜借

青原寺傳同玉帶生千秋桐不朽誰奏兩三聲

揚州喜晤吳穀人王鐵夫曾賓谷金山樂蓮裳江

鄭堂藩袁壽階廷構諸君

細雨廣陵櫂餘寒芍藥天故人嗟再見小劫語難宣親老

仍求祿

君仁罷戍邊瘡痍猶未復把盞淚潸然

附贈詩

曾燠

他時已分遠離羣拭淚今朝又見君拙宦自應登白簡
故人多得上青雲客中身是 朝廷賜夢裏家仍嶺嶠
分猶有深情憐我老十年鬢雪便紛紛

諸君爲余置酒湖上餞別

逐臣赴

闕艤江船婪尾芳尊近管絃消却故人多少淚塞垣明月

廣陵烟

留春草堂詩鈔

卷三

六

附贈詩

金學蓮

十年幾度看花客不愛花紅愛花白詩中知己兩三人
酒裏濃香一千尺連朝絲竹紛繁華華年盛意空天涯
去年今日那可說零落不獨將離花可憐花尙如人面
宛轉春歸不相見寓公今作惱公看走馬西郊淚如霰
太守無家今落魄朋舊如雲各珍惜夢中宦跡嶺南遙
蛋雨蠻烟漲天黑看君不飲心自悲坐令綠髮成白絲
羅浮梅花無一樹何況揚州金帶圍我聞此語三歎息
自掃苔痕臥花國扁舟如葉下江南蘋綠汀州歸不得
昔年花下放嬋娟始信好詩如好色不然桃李已成蹊

啞啞歸鴉終日啼連天風雨復如晦湖上柳陰空綠堤
途遇韓桂舫臬使同用聽雨詩韻

邂逅重逢歲幾更班荆同飯古郟城又分鴻雪東西印虛
負雲龍上下情直道艱難嗤展氏故交零落嘆龔生萋萋
芳草春洲長鷓鴣終宵漫發聲

附和詩

韓 封

自得君詩歲九更每來棖觸楚王城時過信陽將之長沙夢尋蕉
鹿皆陳跡影斷江鴻獨愴情一昨紅橋揮淚別幾回明
月應潮生也應憶著南遊客聽遍千山杜宇聲

贈孫淵如觀察

留春草堂詩鈔卷三

九

聖人前席魯人思喜見春風節再持官近先師三月治家
承王母九旬慈淵如祖母九十八歲中原霖雨資青岱上第祥雲憶
玉墀聞道轉輪趨左輔書生籌

國鬢如絲

王卜崖給諫

鍾健

少孤承其先世父明經君之訓以

至成人庭前有棗樹婆娑老矣追念作圖同人題詩
以紀之

棗樹纂纂園中花吹香望實今如瓜行人指點王給事閉
門老榦空杈枒維木有本感世父經傳劉向詩侯芭梧桐
初生阿閤曙鳳皇天上聽匏媧黃門一疏表舊德

特頒豸繡紆青緇祇今白髮念孤露千回上樹綠枝斜多情桑梓能啟我四十年夢猶東華歸視松楸兼護棗匪云譽樹韓宣嘉

題自畫山水

論詩欲叅禪學書可通畫或勸姑爲之澆許遂成債本味六八法兩謝南北派大宮與小霍元氣轉光怪潭深隱魚雷磴疊懸鹿砦翹峯倘可陟吾將謝流輩

檢篋得昔在西省蒙

恩賜扇及荷包恭紀二首

端午仁風被小臣泥金宮扇細裁筠十年啟篋雙垂淚曾留春草堂詩鈔卷三

三

荷南薰近

聖人

金縷新鶯脫壳黃已叨筠扇更荷囊趨庭猶話承

恩日深結芻前出建章

留春草堂詩鈔卷四

寧化 伊秉綬 組似

大興相國師澄懷園直廬有灰色鶴自至馴若素養
紀詩二首

鶴壽不知紀翩飛到上林鏡中閒照影天外遠流音何處
無奇樹於茲託異岑色灰塵詎染最慳老人心

道妙少人會秋空若見招暫來陪杖履終待控雲霄異服
浴黔半仙胎神理超此問鄰上界延頸聽咸韶

李墨莊舍人出示冊使琉球歸槎圖卷率題其後

聖皇嗣服覃化醲深仁漸被東海東休論荷蘭嘆咭喇扶
留春草堂詩鈔卷四

餘日本兼朱蒙維東南洋中山國琉球大小歌駿龐我昔
鼓山眺絕島黑子兩點浮青銅海濤翻天天風急欲踏銀
漢凌秋空周禮崇祀保小寡吏報鯁至輸誠忠其王卽世
世子天世孫顓頊詩

天朝封

大皇帝咨禮臣奏慎簡使者憑

天衷李侯星精峩睂秀誦詩三百千夫雄鳳皇初鳴阿閣
曙麒麟服出

乾清宮龍旂虎節頒冊命元纁拒鬯珪璋琮司空飭工駕
樓櫓司馬檄衛煩軍戎澹螺養水暮天碧老蛟驅浪晨霞

紅免朝牌掛百靈助十六年夢竒遭逢墨莊昔夢浮海巨

二字今使者從天降那霸疏球地名天橋綵壓城頭虹藩王負

弩俯道左舉國角稽蠻樂從禮成辭饗却投贈宣示

德意三呼嵩漢家羈縻今洽懽

御書再建樓穹窿表文金葉詩楮葉欲詛譯館詩文同槎

回梅花洋水靜一一指點來時蹤北堂喜進陸賈酒西域

嗤紀張騫功歡斯氏裔最恭順

定鼎初元來旅賁汪稱林麟焜徐葆光周煌遞奉使坊傳

守禮胥華風君偕充國謂正使趙介山修撰更利涉紀載國俗傳無

窮

留春草堂詩鈔卷四

盛朝柔遠遠人至交趾又遣陪臣通

題查小山鴛鴦吟社卷後

七年再到長安道惟有荷花顏不老元都觀裏花亦開看

花歧路空徘徊故人館我縹雲館憐我風濤來偃蹇剪紙

爲招杜老魂撫琴重聽廣陵散亦知微物皇天慈高堂垂

白心南馳此身不化爲猿鶴鵝行容綴猶然疑故人心似

雨餘月沁人肌骨鑿毛髮却憶曼卿蜀道難石琢明誠金

石隨狂瀾趙味辛覆舟於淮祭酒酒尸非昔寬吳穀人文飲我邗上春

將殘今人題詩後人看以今視昔已改觀喜君瀟灑顏渥

丹賢豪聚處亦已艱不經憂患寧知歡竟須苦留張檢討

船山日日醉倒眠蒲團

爲陳石士編修用光題瘦石圖

在地爲石天爲星其形則石神則靈中藏爲玉外爲石璞
闇其文乃其德巖巖非大拳非小瘦骨撐天天不老鎮壓
地軸地所寶滄海有時變桑田幾見砥柱東西倒公子命
名抑何早結根閩苑尤堅好立朝節槩黃幼元不然白沙

講學終嶺表

明陳憲章黃道周
二先生皆號石齋

同時帆蘭士遊萬綠莊

孤約橫秋水城闌載酒來殘荷猶畫舫高柳出平臺塔指

尉遲建

有唐尉遲
敬德題名

園疑希憲開亂蟬將落日又遣管絃催

留春草堂詩鈔

卷四

三

爲翁覃溪先生題黎美周芳草詩卷

後有徐子
能等和作

天涯香草懷君子勝國名花作狀元一種芳情遙矚處海

風吹月到南園

譚藝江東徐子能春風裁賦得三朋何如善眼蘇齋老一

證訶林最上乘

爲張亥白孝廉題渡海圖

生長海邦未見海宦遊乃從絕島觀不知包絡尙有地惟

恐穹宇難爲寬天開甲子石齒齒神電返照鷄籠山江萍

按南
地名萑苻參阮氏樓船載士強弓彎此時有景誰能賦嗟

彼蛋戶懼憂患馮夷震怒颶風發鯨鯢淨掃蛟鼉翻焚香

夜禱波羅廟孤亭浴口肌骨寒披圖但見五色水不須向
若增長歎君從岷峨泛瓊海星河倒影手可捫神仙排雲
省笙鶴中原一抹青山浪人生快意孰過此那怪下筆銀
濤奔况君雅興無與倫讀書懷古思其人鄉賢廣詢東坡
宅故老更訪剛峯孫

重陽前一日同楊蓉裳農部

芳傑

法時帆張船山何

蘭士遊棗花寺訪菊

未落蕭蕭木猶疑纂纂花禪心除酒定菊信待霜葩讀書

王朱對

寺藏紅杏青松卷
有漁洋竹垞題句

題名歲月賒仍招二三子歸去

醉鄰家

留春草堂詩鈔

卷四

四

題朱素人

本畫

雙松盤側嶺嶺半陰晴分幽澗澹秋色上方多白雲乍探
奇所見獨徃靜生聞一杖晞吾久蒼茫柱夕曛

爲吳荷屋編修

榮光

題文與可畫竹

鄰家風壓竹過牆晴窓蕭瑟搖秋光欲攀鳳尾不敢捉葉
底寸寸針鋒藏薊門幾見竹竿長七百年墨餘真香大書
巴郡文與可豈惟畫絕書亦頗趙家淇澳不自保千畝湖
州尙完好三絲續絹今已無何須欸字題髯蘇

文竹多
蘇題欸

題蘇齋所藏東坡真蹟次韻九首

東坡書蔡君謨夢中詩及陳述古閣中舊題並周

韶落籍詩元虞伯生見於柯敬仲所爲賦四首敬
仲乃盡和卷中韻爲九首其後倪迂馬治張雨皆
和如其數乾隆壬寅歲覃溪翁先生視學粵東購
得之因以名齋常示客索和

一夢偶然留斷句蘇端明與蔡端明如何恂恍迷離境啟
我尊前望古情

錢塘官閣何人筆檢韻同時並和尖至竟閒愁消不得新
潮更比舊潮添

堂堂歲月壯心驚休說文章躡鳳翎濕却青衫燒盡蠟玉
顏端合誦金經

留春草堂詩鈔

卷四

五

湖水如藍酒盞紅清歌難得靚韶同禪心欲作羅浮夢萬
樹梅開一夜風

淮州驛雪淨離塵往事閒追鬥草春會弔六如亭畔月故
知多慧是杭人

奎章學士來西蜀同泛丹邱書畫船留得髯蘇情種在新
詩都愛古嬋娟

卷端妙墨失涪翁環慶堂開暝雨風誰迓坡仙來使院毫
光夜夜起齋中

原有山谷
跋今不存

烏雲含雨愴吟魂篇翰流傳夢裏論我亦曳緋來嶺海酒
痕多處帶啼痕

寶蘇室內屏風石畫手荆關未足誇

先生近得靈壁石其文恰肖烏雲紅日之

景解得墨緣真宰結未妨愛水蕩恒沙

作惠州白鶴峯圖裝於蘇齋施顧注卷內

鶴峯東峙鶯城西雙江橫掠仙禽飛三年與公對衡宇倘
識隔世方南圭木棉高花堆火齊鐵榦撐石開烟扉華表
崢嶸插霄漢公尚酣睡聽荒鷄以思攝思水洗水子霞自
臥澧湖湄有鄰堂春酌美酒翟秀才近呼東籬我倚孤亭
看落日直至月落明星稀英靈不隔餉一研會修公祠於沼中得公故
研似與叔黨同扶藜夜汲井水冷沁骨井銘片石從何稽
作圖好寄寶蘇室附諸宋槩施箋詩

留春草堂詩鈔

卷四

六

題衡方碑陰同覃溪先生寄桂未谷大令

盛漢富文藻罕載書碑名禮器金鄉師但云七人成華山
之郭香察書義甚明粵惟建寧年二頌標厥稱西狹仇靖
創邨閣仇紉仍然而不始此始諸衛尉尉卿尉垂貞石輝
映汶水清千有六百年其陰委榛荆好事推黃九小松搜司馬
出方瑤瓊會稽有故吏任穎多門生借問書者誰朱氏其
名登歐趙所未見見之適然驚熟碑最新拓笑倒翁北平
最熟之碑最新拓覃溪丈詩句因思桂大令南詔烟嵐蒸亦復念賤子未
云墨卿想未來京必來都京未谷寄蘇齋書有豈知聲相應勝賞同挑燈維
衡與伊氏同祖商阿衡似憲貧非病學由聞斯行用碑賤中句

子竊慕之百本臨摹會臨書何足道陰出疑神靈據陰考
書家於以知樂陵滇雲逝油油春鳥鳴嚶嚶送君長安陌
六十纔稱觥十年君老矣應夢東山青請以樂石壽千觴
計猶能

為錢襄山同年題使蜀卷三首

分蜀棧蜀江二圖

蜀道青天險憑誰寫驛程文昌華省客使節錦官城地界
雍梁會身高參井平題名登劍閣定有候星迎

白帝城樓峻黃牛狹路斜持衡來百粵伐鼓下三巴罔兩
棲林葉魚龍卷浪花猿啼休日夜銜

命不思家

留春草堂詩鈔卷四

七

忝附春卿籍同掄秋賦才

子登襄山之榜又幾年同日蒙恩出使

弓劍慕一夕畫圖開臘雪分吟席江梅映酒盃故人天共

遠難得瑣牕陪

姚秋農學使

文田拓九曜題名附陳恭甫編修壽祺

荔峯學士

高慶使車來京次翁覃溪先生韻二首

清池涼散七榕陰亭館蕭閒話雨深澹墨書留星曜影虛
堂人聽海潮音秋高玉尺乘槎望日暮珠江載酒心却憶

前塵仙侶接匆匆分袂總詞林

前年恭甫去年秋農俱別於海幢寺

芳洲瑤草入春繁潤借廉泉見本原樂石盡收洪适志苦
心還奏賈山言九星落地初無字五子吟詩尚有園話到

漁洋嘉樹譽雪牕茗枕試重論

十二月十九日蘇齋拜東坡真像三首

梅花一夜白載酒升公堂公逝七百年酒熟思公嘗歲事
薦水藻鶴峯明斜陽誦公生日詩肇始惠與黃惠州曾幾
年我亦風濤傷孤亭紫翠中迴首雲蒼涼

番禺蕭寺柏鐵榦風霜苦隙駒閑斯辰艱虞但懷古我友
宋翰林註裁詩力如虎招來三秀才各各攜酒脯打門拜
公像我仍爲之主往事戒弗言歡呼動衡宇而我更清狂
醉持蕉竿舞古人不可作今人隔風雨

峩峩寶蘇齋篇翰精靈寄歸來塞北翁別齋已三歲遂招
留春草堂詩鈔卷四

八

玉堂客羣偕曙鴉至豈惟妙墨存兼有真像秘頰瘦畧芟
髯顴脩更添誌湖諸龍眠本可證陵川記山谷若見之定
謂倚石醉欲幻百真形微叅當禪偈天青雲白間神仙倘
游戲

花朝次韻寄酬葉花谿丈

鳳城鶯語破輕寒試馬宜從九陌看歸鴈帶將春信早踈
鐘聽到雨聲乾空江酒泛鶯同色二月花開粉作團爲報
荔枝灣上客相思北斗正闌干

題邊城插柳圖送張子白

若采

回任鎮番

張侯爾盡一杯酒好向邊城插楊柳柳色依依二月中蘆

溝萬里休回首西風天馬入蕭關老樹荒原未可攀邊吏
精神酒泉郡詩人藻耀胭脂山三年報最長安道棠舍猶
思長官好入廐寧知馬似芊浚渠早獲蟬鳴稻流沙誰識
水泉甘未老桓公感漢南卽看蘇武祠前月萬縷搖風色
勝藍

送何蘭士出守寧夏

君不見賀蘭山高高接天柳枝紅似珊瑚鞭君不見黃河
流過鳴沙東神龍峽口磨青銅其源盈尺桃花水急報雍
梁一千里我欲山頭築成戲馬臺倒傾黃河入酒杯受降
西城盡蠻服蕭關東道來龍媒使君五馬一馬驄初銜

留春草堂詩鈔

卷四

九

恩命蓬萊宮漢唐弧矢防邊處

聖朝耕鑿屯田功屯田有年多秬秠地大物博風漸靡椎
牛擊鼓吹笙竽紅氍毹照吳妹美使君稱詩魏與唐土風
好樂思無荒方今都護所隸疆葡萄苜蓿走且僵有不庭
者鞭遐荒我歌此詩告邊吏雪勵精神風作氣馬騰土歌
盡地力慎守封圻千萬世

次韻酬宋芷灣三首時將出都

塵凝琴薦酒翻杯隔歲懷書首重回薊北近來都少雪嶺
頭昨夜定開梅翹材馬臥留賓館落日烏棲避債臺聊縱
思親懷友日雲如車蓋自南來

春半山公一疏題劇憐名姓

聖人知拙將勤補原身許話到

恩深只淚垂鴻鴈宵鳴淮上賑鯨鯢秋老海中師又分民
事酬良執消得元家愁苦詩

吾生荒落強名儒子玉垂銘置座隅百斛珠誰搖筆集一

條冰倘換銜無

芷灣應來散館

隔江沽酒逢僧住侵夜看花待月

俱爲報黃塵馳九軌車箱簾影漾蝦鬚

附原作

近到京華醉幾杯州民抵死盼公回傳聞首路當新歲

及見松江是早梅曉夜嘶風原代馬古今相骨只燕臺

留春草堂詩鈔

卷四

十

故人多少樽前舞定道石尤吹得來

莫把羅浮舊事題好官原在路人知疆場有福兵纔戰

草木無情淚久垂近日獨愁春甚雨狂波難得海班師

山人寂掩重關坐不爲先生不寄詩

若復關心問腐儒年來粥鉢到城隅諸侯青眼今才有

老婦紅粧昔久無看少木棉忙可想栽多籜竹瘦應俱

憑君寄語同袍侶向日狂生已白鬚

夜半過趙北口

澤國明月曙芳心寄清光一片碧玻璃中有潛蛟藏百蟲
響斷絕神魚跳中央瀛莫應天池沾淀餘津梁三家兩家

邨燈火時漁莊十里五里堤羸馬隨鷗翔昔游感搖落寒
渚傾斜陽茲排金銀臺洲島窮微茫凜乎難久留沾袂雲
蒼涼

爲吳柳門孝廉題香雪山莊圖

詩人例愛梅非爲百花頭上開亦非數點窮根荻清入心
脾寒到骨氣味要與吾儕一石有情兮鐵有姿長卿才兼
子卿節巖高晷短苦幽獨影落寒泉照孤月豪門縱買百
本看尊彝作配情先隔無心求豔神理超隴頭欲寄思爲
勞松風亭下兩株玉南遷坡老吟魂銷黃山君有三間屋
笑我汀南虛卜築

家君昔畫梅花書屋
卷一時題者甚衆

山中白雲成海水

留春草堂詩鈔

卷四

十一

乃今香雪亦如此歸歟著書臥不起

渡江

古堞南徐鎮高牙北府兵石留雙劍迹江帶六朝聲白酒
能消恨紅船號救生岷峨千里浪到海自然平

對月懷葉雲谷戶部

君似一輪月遙天只獨看光依丹鳳闕清鑒白鷺灘

南海地名

徃歲輸心印高樓坐夜闌餘輝如可接誰道隔雲端

昔在嶺南聞稚存編修遠戍黯然有作今讀其荷戈

集載題集後

龍沙萬里本

君恩况未經年入玉門絕域擬收韓愈骨

深宮重繹賈山言羌回曉舞聽

明詔魑魅宵愁放旅魂我亦荷戈叨

曲赦撫膺圖報更兒孫

秉綬前曾諫成軍臺特
聖恩昭雪免行

秦郵喜遇同年閣隸園觀察

學淳

飲於夏氏園亭

西省前塵憶共游十年清夢落揚州時人爭比王司理夙
世原知李鄴侯臺畔客星淮海宅酒邊明月巽湖秋若將

絲竹供陶寫草草應須五日留

熊介茲員外

方受

與雨堂侍郎

恩溥

在閩合寫竹陰

消夏小照介茲過邗上屬題時雨堂已下世矣

留春草堂詩鈔

卷四

十三

海濱盛暑多種竹好風時作鸞鳳鳴神仙對坐意瀟灑恍
似磚影移柯亭簫材依然笛聲感一仙已愴山陽情閩山
巉巖嘯羆虎吏習文弱彌縱橫使者持節小部勒胷中兵
甲消爭獍從來儒臣第校士詎解除暴援蒼生至今邊人
每借問司馬何不爲中丞譽我於朝闕一見太息任重
斯人勝君今盛年趨禁闈勁節一夜層霄凌武公德如
葉竹懋吉甫頌比清風清而我臥閣豈能理但叅玉版同
枯僧長夏先將歲寒勸此君索句三人盟

東堂

槐影橫階畫戟圍東堂晝靜報書稀頻添沈屑誰爲伴石

丈清癯梔子肥

詩僧小石

了學

寄居隆慶寺有古樹二同年阮芸臺

中丞易名雙樹庵

紅橋跨綺麗古剎背流水門閉綠陰中
磬聲度殘暑蒼蒼雙樹存陣陣油雲委
荒階積蘚封老鶴因風起白足乃吾
黨嘉名緣汝始寧須侍者侍孤研對塵
几行庵繪湖邊得句傳城裏約我芟荷
香夜坐譚名理

贈尤水邨

蔭

眞州城東社吾愛尤水邨據鞍思塞北
絕裾辭王門歸坐一庭竹亦復將黃昏
手寫奇石紋身如枯樹根簾垂茶味留
春草堂詩鈔卷四

十三

求所得在忘言

贈李瘦仙

天徵

不婚亦不宦肯來踏青莎燈紅梅花白
寒夜曾婆娑借問何所住僧院西鄰家
貌矍筆乃健霞散羣星羅逍遙履長羸
裳敝希新荷

湘靈峯歌

眞州西郊有奇石本明汪氏園林康熙
間陸中吉先生官斯土厭游客自稱守門
長吏毀園而石存同年阮中丞物色得之
易名湘靈峯尤水邨布衣繪圖焉

君不見石家金谷荒榛莽廉吏羞爲守門長至今零落美人峯天寒倚竹竿三兩當時河伯閱雲鬢千牛輓出洪濤間玲瓏骨照海門月窈窕秀奪江南山老閱滄桑奈何許聽殘歌管瀟瀟雨歛見名卿剔蘚痕又聞高士能寫眞石若有情應顧影嗟爾悠悠世上人

阮伯元中丞以楊忠愍公書藏之焦山

深宮青詞媚奸佞絕徼陰雨愁孤忠積霾翳空不見日猶望杲杲當天中涕零和墨走蛇蚓心苦舉義追龍逢自言戍所乏佳紙神物乃護傳無窮九螺浮烟漢隱洞東瞻滄海西岷江於斯安靈兼寶墨定有雲氣凌青空公同荆川留春草堂詩鈔卷四十四

渡揚子談兵檢韻意氣雄茲讀詩騷懷俊彥卷中有鳳洲繼津諸公名

如張廣樂開子聾中丞寶此良有以欲使頑懦聞其風三代鼎摩蟲篆古六朝碑拓鶴夢狎同藏茲山作砥柱不與江水俱流東

白將軍歌

將軍名雲上河南人由侍衛出爲揚州遊擊桂林陳文恭公撫吳時曾薦之歷官副將今祀名宦祠

令子藏文恭簡札索題

九原欲作隨武子嗟白將軍何遽死名存學語小兒口饗配揚州誓宗祀求忠於孝維本根將軍以勇娛其親將軍

之勇將軍仁大臣能以人事君當時相公陳榕門講求典禮遺書存將軍死後民益苦海有蛟鼉陸豺虎

至尊宵旰獨思艱邇日臣工果誰補將軍佑我蕪城安馮夷肆虐方爲患眼前有民不能愛佗日何人念下官

送閻糴園觀察北上

紅樹蕭疎點薊門禁鐘聽盡耀朝暉朝

天又踐尚書履

浩持尊甫會爲大司空

話雨同依古佛旛風勁歌驪

彌繾綣酒醒聞鴈易黃昏白雲樓迴如登眺壁上曾留醉墨痕

題澹志詩草送童牧謙徵君積超歸里

留春草堂詩鈔

卷四

五

弱冠求友生早得童牧謙叩之經籍富益我直諒兼歸語

吳

清夫

與張

孟詞

二子交親咸別幾三十年君果舉孝廉

借問舉主誰中丞斗山瞻

汪稼門先生

君從中丞來出卷俾題

籤乃令祖遺詩舊德彰幽潛述著雖不多亦足平生覘吾

鄉稱先喆麗澤雷童占

雷翠庭童英泉兩先生

欲挽百川東眞接吾

道南令祖濡緒論詒訓衾影嚴君勤明發思烏糴語誦誦

桂樹小山白蘭膳清風含贈言各努力晚節古所矜

荷花塘

哀鴈澤中影洪湖天上聲草根明滅火釜底四三城天意

寧論命臣心或匪誠仍煩

宵旰慮連歲

軫災情

附

洪亮吉

淮海維揚屢告災晴天白日浪成雷居民僅免爲魚苦
長吏能歌旅鴈哀積貯幾年隨水盡流亡分日渡江來
春陵詩與監門畫忍爲遺黎讀百回

姚堤

萬里昆侖水何爲西逝波幕天皆赤子橫地走黃河愁絕
秋風起休言夏麥多看頒十行

詔奠汝泰山阿

留春草堂詩鈔

卷四

六

崇家灣

嗚咽潮東釜底州老農懸耒四年休只言賈讓謀堪用獨
使監門淚暗流風雨冥冥魚媵夜星河歷歷鴈賓秋幾多
婦子聞嘹唳羨爾南征得自由

黃孝子詩

鎮洋彭甘亭索題
事載鎮洋縣志

康熙年間黃孝子求醫執役尋常事孝莫大於感鬼神鬼
神雖遠惟德親母病顛天臂刺血血書一化痊哽噎嘻
出出災及廬撫棺狂叫身焚如身棺同灰誓不怕祝融乃
返之鄰舍匹夫一念通天誠性爲至性情至情孝子黃姓
聖猷名百餘年事猶英英嗟我有親未能愛作孝子詩汗

浹背

聞佑之監司慶保臺灣捕盜有衛城績

邊城如畫蔭檀藥

臺郡作爲城

絕島驚濤百戰難斬盡飢蛟風

伯退月明吹笛海天寬

賑災四首

乙丑歲秉綬忝守揚州值七屬水災次年尤甚蓋
自甲子已來疊溺三載冬麥未種哀鴻嗷嗷賑金
無算惟有身歷面稽見吏有侵漁者矢鷹鷂之逐
而已紀詩無文惟以告哀

灌水入蟻穴亦有芥渡升堂坳二州五縣民安能懸耒三
留春草堂詩鈔卷四

七

載衝波濤河伯不仁風伯怒終朝噫氣欲拔樹可憐樹葉
盡充糧釜飢上屋舟入房房中白髮翁與姥恨非少壯能
逃荒一沾

皇仁淚如雨邨得貨布成酒漿

城中履繁霜城外滔滔無草黃昔時墮戶入室處祇今舍
作鼃藏鼃鼃慎毋久窟宅中有先人之白骨

鴝鷓叫月江楓殷忍見白浪來排山北不開雲梯關東不
關關龍港馮夷驅人作螺蚌豐年餓死海陵倉有水無土
天茫茫鷺子負鹽過江竄老兵得之擬城旦

種麥種麥婦子忙臨流一痛沾衣裳眼前半菽不能飽遑

計將享以莛嘗去年典牛幸未贖羨爾得生且生犢吁嗟
算口授官糧餼生自愧爲民牧

附

林 鎬

清晨發邗溝薄暮趨秦郵西風獵獵吹小舟長年牽纜
行且謳舟中兀坐者誰歎揚州太守查災黎災黎走相
告是爲太守心竊疑往年太守查災來樓船萬斛聲喧
逐荒村索鷄豕破屋科錢財上食太守供輿臺敲扑丁
役令心哀苦若巨浸重爲災今年太守胡爲爾從者三
人兩人耳村墟歷皆遍風霜行未已父老語災黎爾輩
焉得知揚州太守今姓伊政聲久從粵海馳江南大府

留春草堂詩鈔

卷四

六

告

天子命典名郡初來茲昨聞太守出府時髯奴悻悻前
致詞官今頌大郡出入須威儀前船載輿馬後船列旌
旗驛路設供帳州邑爭餽遺旣得飽胥隸兼足充囊資
太守語髯奴爾言何可鄙我昔被

命來儼屋河之涘時當夏秋交暑酷汗如洗買舟小如
甕出入波浪裏飢咽脫粟飯渴飲濁流水災區幸周覽
遑自恤勞止何況縮郡符其痛受如己儻從人苟多約
束法難恃豈維索酒食且復營賂賄官吏一頓餐民將
竭膏髓官吏一囊金民將鬻妻子哀鴻方嗷嗷忍令更

出此飛符下州邑諄諄戒令史慎勿役丁夫辛苦負行
李慎勿具盤殮殷勤奉芳旨水減民未耕先爲理疆址
歲晏民未食先爲謀糶糝強梁禁侵暴羸弱掾轉徙繪
取流民圖鄭俠本鄉里行見賑澤施庶免溝壑委災
黎聞此言感歎同一聲扶挈老與幼遠近紛相迎爭先
望顏色愛戴逾所生翻愁水涸災沴息太守不向村中

行

爲屠琴陽孝廉題拂塵庵圖

孝廉與查梅史胡秋白
范小湖及積堂讀書處

氣合苔岑闢草萊樓牕面向江開精藍眞絕纖塵拂當
代誰如五子才古柏經秋支石瘦好風吹月湧濤來狂歌
留春草堂詩鈔卷四
九
醉舞消良夜何暇同僧話劫灰

題韓桂船聽雨第二圖

又作巴山悵望情西牕重見寫圖成幰櫳蕭瑟還今夕點
滴分明是古聲長枕乍安同把卷一犁曾約早歸耕天教
仲氏爲霖遍鳩喚良苗夜夜生

靈谷寺

三茅君策山靈走虎踞龍盤作鍾阜疲龍困虎幾變更蒲
牢猶發蕭梁聲空山積雪殘西嶺日暮寒泉誌公井鑿泉
陟嶺山路遙石旛影落松筠高登壇坐階看修竹四山振
響風蕭騷皇覺寺中聖人出誌公不能安石室道林七級

起浮圖移來朽骨添燈漆當時道子爲寫真誰歟贊者謫
仙人平原之書妙入神豈知殘碑苔蘚碧眼前何處非迷
津石獸蒼涼孝陵道銅駝泣露埋荒草屯兵指點斜陽明
鷄鳴寺是古臺城

臘月十六夜宿避風館五更起看江

圓月墮江水平濛乍吐吞鐘聲連上界海氣浴朝暎逮曉
渾無迹瞻東似有門潤州千萬戶鷄唱夢猶溫

焦山鼎銘舊拓本

竹垞跋云王西樵拓之
焦山程處士穆倩釋文

鼎銘出焦山長蘆叟題識云是王西樵登山手拓寄程生
辨奇古九十有三字豈惟法物成周重二百年墨積嵐翠
留春草堂詩鈔

卷四

二十

枯木堂開江海渾初日照耀雲雷文山靈水怪屢窺瞰神
物未許凡夫捫王曰南仲嘉爾勲元衣縞鞞榮爾身呼史
冊命作尊鼎用享列祖寶子孫其中闕疑所誠有以格爲
如端爲友黃耳金鉉利用貞饗餐應圖亦云醜司徒世惠
名三見其三世字文小變或云廡惠是耶非安能起問程
穆倩

明鄭端清世子詩

有序

世子名載堉著述入本朝四庫全書父鄭恭王
諫大禮被囚世子橐籥請室及當襲國世子上書
以爲大宗有罪宜繼小宗卒讓之再從祖弟其明

禮意成父忠雖復近古何愧三代之英因賦焉

定陶立廟枉承祧極諫親藩大義昭美里效忠成曲孝延陵將讓愧中朝心希妙藥行騰遍手校遺編望古遙一例楊家名父子暮年南詔雨瀟瀟

題徐俟齋先生澗上草堂圖

徐山民待詔修祠裝遺像手書成冊

春風到寒山香草澗中碧澗上唳孤鶴知有高士宅當年
麥秀心苦節介於石縑素多畫稿城市無履迹中丞湯睢
州三次事徵辟門外訪松筠人已踰垣匿臨終書數行愴
惻念弱息平生兩知己託孤不可易次耕未面訣孤定叨
卵翼三復茲數言神往心不隔起家本忠孝非古隱淪敵
留春草堂詩鈔卷四
宜乎百餘年葺宇遽興役別支卽烝嘗弟子傳手澤展像
薦蘋藻共此梅花夕

過淮陰釣臺

人生垂釣是良圖杖劍功名隙過駒石面平添春水碧市
聲喧帶澤鴻呼沛公最忌王真假漂母寧論報有無飽挂
輕帆漫懷古西風斜照一城孤

竹柏樓詩爲袁壽階賦

瀟湘帝子淚成血色染蒼篔最高節共姜耿耿憂流波柏
舟之死矢靡他北風怒號百卉死竹柏不改青枝柯瘦竹
蕭蕭生筍苦柏幹撐天溜雨古百年門第胥江隈一樓高

與懷清伍不見春風隻燕來但聞秋月孤鴻度樹萱歲月
去堂堂高樓永閉泉魚傷嚴霜古雪經多少竹實如今養
鳳皇

遊虎邱

高阜闔閭墓中宵虎氣騰禪心叅水月霸業轉風燈孫武
叢祠關生公講席憑美人禁戰否頑石點頭能雙劍清池
化孤雲寶塔升看山青眼客送茗紫衣僧終日香成霧千
年樹有稜祖宗仁讓杏士女冶遊仍畫舫窺穠李輕紈味
泮水誰知木蘭院寒對玉千層

抱孫二首

留春草堂詩鈔

卷四

三

令節春將半何緣汝遽生最娛會祖父謂是好星精客譽
仁慶趾來聽小鶴聲笑他纔墮地便擬作公卿

官閣百花放重闌掌弄珠古稱君子抱毋作小人儒詒汝
惟清白流民有畫圖災年多鬻子收養愧吾徒

題胡茂甫同年

森

閩遊草後次韓桂舫侍郎韻

澄潭翻暮景元洞答空響入手水雪文清夢山泉賞福唐
好巖岫會着屐幾兩歐冶鑿地荒

歐冶子鑄劍處在福州城外

旗鼓二山

名極天仰丹砂葛洪心紫霞靈運想地僻游乃勝情悅技

屢痒至今筆淋漓恍見雲蒼莽蘇驚瀧九磨杜訝潭萬丈
交君靳隨驂引我船得槩猶記少年場樂聽鈞天廣百里

試聞歌廿年一鼓掌武夷君見招扶筇可容儻

清夫寄至新茶

新茶摘向白雲間第一聲雷九曲灣分得君謨風味在銜

孟先話武夷山

寒燈課子圖爲陶生本忠賦

吳白庵有詩
紀事特詳

朝坐六一堂緬懷六一翁荻畫本母教盛業傳無窮有客
幅巾謁出卷讀未終賢母昔陶嬰合子今終童我友吳白
庵集蓼及幼沖其言有感觸述母義可風夫天廉吏後姑
亡身煢煢大歸抱螟蛉觀者乘垣墉署券當畫押母請真
書充大書字曰陶滿堂爲改容不識一忠字愧彼許敬宗

留春草堂詩鈔

卷四

三

秋宵燈焰青夏夜燈花紅青紅感時節孤燈寒則同母也
哭聲隱兒之書聲洪纍纍如貫珠遙應百八鐘幾時織鱗
飛上禹門爲龍白庵母雙節父亦官湘中題詩特沈痛謂
以教本忠本忠貢成均辦香師南豐曾谷都轉曾氏大母節節
苦報亦隆麻姑山峩峩盱江水淙淙水清能見底山高白
雲重勝以從姑秀削立玉女峯吾交兩三人母皆靈所鍾
子本豫章材努力明德崇瀧岡表魏國宜及親存封

題武林復園詩冊

杭堇浦厲樊榭諸公唱和之作內一詩山舟侍講
幼時爲其世父書之今年九十矣

紅橋燕飲落成詩此地今人或不知惟有白頭梁侍講操觚會記少年時

梁溪唐孝女詩

孝女居錫山下工畫父老無子遂不嫁資筆墨以

養生送死焉今年七十一 詔旌其門

女貞傍靈椿儼然喬與梓白華承絳跼然甘與旨至愛
采蘋繁空花寫桃李曹娥木蘭節千古同一軌松泉清聽
餘我親炙研几七十筆無停食恥不出己爲言棠梨開寒
食墓田美何必譚淵元孺慕以沒齒東林有名儒南齊有
孝子再拜謝山靈愧飲一泉水

留春草堂詩鈔

卷四

十四

南劍州詩贈董樵雲同年

廣善

用蔡忠惠延平閣韻

蒼山走東海影落扶桑楸峯羸淵乃澄雙龍漚其下石骨
激濤飛風威挾雲瀉一篇敵萬牛卸帆勒奔馬郡治出山
半春樹鱗鱗氏至今頌神君庶彙藉陶冶賤子忝同薦對
策希董賈各辭金門直分疆一麾把何期廣陵城花前動
盃罍君方馳驛驅爐煙袖重惹恍合劍南津仍空薊北野
願爾垂天雲吸水江河灑

時方
望雨

題明沈小霞梅花卷次韻

小霞名襄曾稽人爲錦衣衛經歷沈忠愍公之子白

噫嘻忠愍之禍烈其子黃州亦人傑託命朱家聲暗吞頓

父寃蔭官至
黃州知府

首秦庭淚成血父先椒山疏十罪褫權奸魄剛勝鐵縛草
攢射檜與嵩挫辱百回不能折父忠子孝理則然訟寃誅
黨肝腸熱平生抑鬱寄於畫枯梅重生鬪雪月但覺凌寒
萬古香邨知三五有圓闕此詩此畫鬼神護傳之無窮表
貞潔

六月廿一歐陽文忠公生日祀之於平山堂

浮屠了學今知白招客荷花作生日荷花十里香年年會
見醉翁湖上眠邗溝水碧蜀岡翠隔江山列如螺髻沈遵
能奏琵琶聲醉翁自得山水意翁生韓范富同朝清歌酣
讌翁之遭兩傷謠詠終覆露晚年引退緣青苗東坡一蹶
留春草堂詩鈔卷四
不復起可憐亦自青苗始我從惠州

三

詔量移會與坡仙結鄰里白髮門生感故知

成句清風賢守

今謳思聖俞子美盛豪翰

謂同游諸君

獨慙無補昇平時生朝

亦記黃文節六月明淮海交情我能說溪毛更擬祀東坡臘

雪梅花伴清絕

題吳巢松居士慈鶴蘭鯨集後二首

闕殿翹雲海日開鳳皇聲出九成臺一從上客觀周樂南
國如今季子才

春洲芳草海門潮氣勢難於氣味饒誰識少年憂萬古怨
能魄動喜魂銷

洪稚存至自武夷極言其勝

客言武夷勝靜聽悟畫理九曲腸胃清妙得驟雨洗嵌空
動蠕蠕白雲起山趾玉女藉英輝百峯同一美須臾好風
來散作江渺瀰東凹貯深翠西凸聳纖紫滄黃納茶稅聞
客亦倒屣求書意良殷有酒頗歎旨感子行役情山泉滿
吾耳行將謝簪紱襪被返田里

題明孫節愍公遺書後

節愍名臨桐城人爲揚龍友監軍同盡節於仙霞嶺

朝廷不用劉宗周金甌失守銅駝愁南都不用史可法黃
左支猜馬阮狎相臣姻婭鎮京口

神策軍來棄繻走倉皇爾足江郎山一死已蓋平生醜貴

留春草堂詩鈔

卷四

五

筑安能遽死忠爲有監軍孫武公各留寶墨本合傳再遷

朽骨還同封

孫氏子孫併收龍友遺骸葬於桐城香櫨嶺

君不見皖城起事金

忠毅

正希先生

當時並命江天一石齋殉國三人從就中記得

毛玉潔吾生獨惜錢謙益愧負陶庵爲上客吁嗟國事不
可爲死乃庸行毋足奇

盛朝亦表范公節誰佐之者留山嵇

閔雨行

小麥欲枯大麥休閔雨與民同共憂蒿目南東將理畝寄
愁西北慵登樓扶攜老幼歸鄉縣卹識歸來淚如霰大田
龜坼牛晝眠羨煞銜泥舊巢燕一歲雄鷄三歲豸坎其擊

鼓西日斜嗇夫作使童男女枉在江都讀繁露吏爲不德
祝矯誣災宜及吏民何辜頻年大水鄰境熟今聞旱遍齊
楚吳

淮南襍詩

小闌婪尾廣陵春舊雨來時鵲語頻一自魏公開讌後未
妨贈藥繼風人

半江雲水澹於秋不算淮南上巳遊明月二分才八斗幾
人扶醉十三樓

草綠康山石逕斜春風仍到狀元家低垂銀蒜燒銀燭一

曲涼州聽琵琶

上琵琶聲

留春草堂詩鈔

卷四

三

董公祠外樹毵毵居士坊中佛一龕至竟熟精文選理曹

家樓直阮家南

梁曹憲文選樓故址在舊城今共臺中丞居之

丞相祠堂傍水涯尋春士女日誼譁嶺南香雪無消息嶺

北寒梅未肯花

蜀阜晨嵐白似綿邗溝春水碧於煙紅橋無恙吾生晚不

及漁洋司

去理年聲

瓦窰一角障斜陽清磬遙知出上方

上方寺即古竹西

搜得琉璃

王芻石不須青草弔雷塘

芸臺中丞於甘泉山獲西漢石俗稱琉璃王冢斷爲劉厲之訛

乃淮南厲
王冢石

一聲柔櫓劃江煙載得琴書薄醉眠十里銀燈檀板郡曉

看覽社孕珠圓

城西載酒裕園來

故儉討夏醴谷先生別業在高郵城西

異藥金釵石斛開

淮海芳情未消歇春風吹上文遊臺

露筋祠下畫橈停催換歸鞍尙戴星待轉茱萸灣上路隔

江山入馬頭青

洲上人家半水仙曉風微拂嫩寒天怪來青蓋霏紅雨千

樹桃花一逕穿

酒帘籬落近黃昏種菊如農處處園畢竟宜師彭澤今晚

香秋影傍花邨

秋夜

留春草堂詩鈔

卷四

七

三十六湖水東連海氣蒸觀民如病鶴顧影是枯僧月色
難禁簞蟲聲愛近燈此時籌補救安敢信吾能

